

平一

聖

又

田本一

正德六年至九年

國權

辛未正德六年

正明黃太子少保戶部尚書楊一清改吏部尚書南京兵部尚

書何鑑改刑部尚書

乙卯中旨御用監甄瑾鎮守河南

丁巳南京科道劾叅政審舉副使楊二和李寬薛英史俊僉

事陳暉等中考功法 上是之

己未夜明犯畢宿

鹽官談遷孺木著

壬戌賜都指揮同知李瑾等十八各飛魚服自逆瑾濫賞凡
并闕廝養陳乞紛然時謠五十兩一件蟒

甲子後府右都督毛倫成大司右衛以瑾黨

戊辰盜陷江津按察僉事吳景死之又僉事郝紹被執贖免

事聞贈景副使予祭塋蔭入太學

己巳大計天下官降斥二千四百六十七人

庚午南京戶部尚書張潔改南京吏部尚書戶部左侍郎喬

字為南京禮部尚書

辛未旌晉府鎮國將軍鍾鏞孝行

癸酉盜陷營山分巡僉事王源死之勅責洪鍾林俊

甲戌成都後衛指揮使陸震先進署都指揮僉事播州宣慰

使楊斌授按察使皆賂瑾至是革

乙亥吏部左侍郎李瀚為南京戶部尚書

四川左布政使高崇熙為右副都御史巡撫四川討江津播

州蠻寇

臨沅天鼓鳴

丁丑錄前都給事中趙士賢署郎中李夢陽主事王綸孫磐

御史徐鉅趙祐楊璋朱廷聲劉玉南京御史周期雍王佩給

事中任惠李光瀚徐蕃收中徐暹監察御史貢安甫史良佐
曹閔王弘葛浩姚學禮張鳴鳳王良臣皆劉瑾所誣陷者也
至是悉錄之

中旨御馬監太監王濶鎮守湖廣魏奉筦四衛營

江西兵三萬討柘源盜陷於淖大敗失指揮養勳通判梁奎
命調兩廣土兵赴之徵巡撫右僉都御史王哲

庚辰大學士劉忠屢乞休不允

中旨太監畢真鎮守山東高麗鎮守福建張倫鎮守雲南李
嵩分守居庸關張鳳守備紫荊關許全守備懷安梁泰筦廣

中

東市船司

中旨太監張景昌筦三千營并三千哨馬營金義筦左哨并

奮武營中軍王方筦中軍右掖三司并揚威營中軍閻清筦神

機營左掖頭司并耀武營周聰筦神機營中軍張輔筦中軍

右哨三司喬能筦中軍右掖二司

辛巳京營署都指揮司知李瑾以千人討山東盜進參將

前南京國子祭酒王敕卒敕歷城人成化甲辰進士及第授
編脩坐事謫夷陵判官弘治初起四川提學僉事進河南副
使拜祭酒性穎悟博學多能負才不檢南雍以僉著

二月午朔湖廣左布政使董傑為右副都御史巡撫江西
南京工部尚書張憲卒憲德興人成化壬辰進士授吏部考
功主事歷郎中課覈明審進山東參政尹順天俱有聲服官
四十年端謹長厚人莫能疵也

夜鄆縣大風雨走石板木

癸未戶部員外郎李夢陽為江西提學副使

中肯尚寶監太監黎安鎮守江西

甲申吏部右侍郎傅珪為左侍郎翰林學士劉春為吏部右
侍郎巡撫貴州右副都御史邵竇為戶部右侍郎督理倉儲

中府帶俸都督僉事張寰為都督同知

乙酉四川盜熾停駕帖採辦禽鳥大本寮煎川扇等詔悉停

之

戊子增四川布政使覓糧右叅政

己丑雲南左布政使魏英為右副都御史巡撫貴州

戶部右侍郎儲燿引疾致仕

少傅大學士劉忠吏部右侍郎靳貴主禮闈

河南丁卯貢士廖鑑除名鑑鎮守太監堂從子胤祥符籍被

餘姪孫清失官為代筆
至是給事中陳鼎劾之

辛卯 英廟淑妃高氏薨謚莊靖安榮

壬辰前巡撫貴州右副都御史汪奎卒 婺源人成化丙戌進士簡靜尚氣節

夜月犯酒旗星

乙未浙江山東右布政使邊憲蕭翀陝西左布政使燕忠並

為右副都御史憲巡撫山東翀保定忠宣府

入鎮靜堡

丙申提督易州山廠工部右侍郎王寅改戶部右侍郎

增青州守備官

選真定保定河間達官軍舍給馬操練聽征

制

宗室議寘鐻罪不赦勒自盡焚其屍子台潘等幽西內弟寘

鏡寘錫廢庶人鎮國將軍萬材以黨死後山僧大千被逮曰

我安化王府萬材也出故宮人視之果然

丁酉巡撫蘓松都御史羅鑒山西都御史胡瑞並劾免

己亥大學士李東陽等請停京城內外工役及豹房造寺禁

番僧出入不報時番僧綽吉我些兒以秘術幸故言及之

庚子南京右僉都御史張鳳巡撫蘓松常鎮 總督糧儲

前右僉都御史王璟提督鴈門等關兼巡撫山西

錦衣衛指揮僉事牟斌仍北鎮撫司理刑

徵修河工部右侍郎李堂專副使領之
辛丑各道監察御史王廷相等劾兵伏局太監孫和為逆瑾
造衣甲宜罪宥不問

亦迷河衛舍人賽哈襲都督僉事捏克子

壬寅許高崇熙募土人及川南川西兵

停江西徵派物料及陶器

癸卯順天府尹張遇為工部右侍郎莞易州山廠

乙巳前太子少保工部尚書劉璋卒璋南平人天順丁丑進

士授戶部主事歷撫鳳陽鄖陽四川俱賑災殫力嘗截漕

卍

十萬石募人舟極洛河之饑入工部左右侍郎長南京禮部

鎮靜知大體服官四十年收庫僅給衣食竟亡子惜哉

曉刻雨土靈

丁未大理寺左少卿陳世良為南京右僉都御史提督操江

何塘復翰林脩撰

蜀盜曹甫屯黃巖驛趨瀘州右副都御史林俊撫諭之佯聽

命令弟瑄深劫小市廂指揮李蔭擊斬之諸盜列江津七營

蔭等合酉陽播州土兵大敗之斬甫等五百餘人俘七百餘

人指揮汪洋陣沒加襲署都指揮僉事

夜大星隕罩夏頃之天鼓鳴

已酉起左都御史陳金總制江西浙江福建湖廣直南隸軍務

庚戌雲南按察司副使吳廷舉為江西布政司右叅政蘓州同知李嘉言為江西按察司僉事吏部尚書楊一清薦其才

戡盜

三月子山東盜破樂安濱州高苑

甲寅盜掠彰德回龍驛入延津封丘長垣東明曹縣殺百戶

張世祿

此

國子監博士徐禎卿卒禎卿字昌毅景泰

進士簡伉不

輕交人砥礪名節所著譚菴錄行世

丁卯盜入新喻縣

山東盜陷金鄉叅政史學僉事杜昆各道逮下錦衣獄

己巳定捕盜條格棄城者斬擒獲如塞工例

盜入博野饒陽南宮無極東明掠冀定初開

庚午入河套寇邊堡副總兵王勛等合擊敗之斬六十餘

級

太保惠安伯張偉總兵巡撫大同右副都御史馬中錫為右

都御史提督軍務都指揮朱振戴儀充參將以京兵三千人
討盜

盜陷濱州臨朐臨淄昌樂日照蒲臺武城陽信曲阜泰安官
軍輒敗

辛未山東備倭指揮朱泰敗盜於樂安斬七十餘級擒百餘
人

壬申陝西右布政使石玠為右副都御史巡撫大同

勅整理糧儲戶部左侍郎兼左僉都御史叢蘭兼管固原蘭
靖軍務時巡撫陝西右僉都御史藍章捕盜漢中適套倣命

卽

暫屬蘭

癸酉盜入清豐滑縣

甲戌南京右僉都御史張鳳改右僉都御史仍巡撫蘓松

乙亥盜犯關里

治鎮守河南太監廖堂及弟錦衣指揮使鵬罪鵬降指揮僉
事安置南京鬻其私第以巡撫鄧序極言其括利激盜也鵬

時稍失權璫意司令嬖妾某出入朱寧家鵬仍留任寧每豹
房休沐歸輒宿鵬家鵬反誇於人寵略益著

丙子傳諭直隸山東河南四川江西湖廣陝西兩廣用兵去

四月辰朔環球國中山王尚真入貢

癸未許大學士劉忠厚墓上嘗御經筵退召李東陽等出

甲申會試錄文義多舛東陽不敢對忠問之亟請去

夜月犯井甯丙戌山東盜陷萊蕪知縣熊驤遁

丁亥光化縣火

都督僉事楊英為都督同知英自陳寧夏防河功

庚寅南京太常寺卿章懋為南京禮部右侍郎

辛卯中書舍人黃堂等訴臣等由進士遷轉必九年滿秩不

得同科道部屬遂定科甲舍人再考得量轉

802

刑部員外郎宿進上言內臣如王岳范亨言官如許天錫周

鑰宜卹大臣如兵部尚書王殿宜罷并察瑾黨餘擇守令遣

官錄因寬免賦役停遣官校上怒召閱臣以薄暮未入

請宥之遂廷杖五十削籍蓋察瑾黨見整也

盜李隆等二千餘騎自蒙陰山突陷長山叅將李瑾追戰小

清河斬三百級戰青城斬二百餘級

前戶部尚書顧佐刑部尚書屠勳韓邦問南京吏部尚書王

華刑部右侍郎沈銳皆賂瑾見秋詞下巡按御史

乙未貴州華西阿雜叛

楚雄地三日五震

夜月犯房宿鉤鈴星

丙申命懷慶府每春秋仲丁日祭元儒許衡

魯府東阿王陽鏢薨性孝友能詩工楷書謚榮靖

武靖伯趙弘澤薨南京前府專操江

戊戌徵山東備倭都指揮僉事朱泰管象房錦衣衛都指揮

僉事朱翥代之

己亥錦衣衛指揮使朱寧提督巡捕

庚子梧州雷白俱地震

賦

前總督運漕右副都御史張瑋卒瑋景州人成化丙戌進士

授御史歷陝西按察布政使撫三原王恕甚重之薦總漕平

生清苦不殖產子崇墾田十餘頃怒甚盡畀於弟微傷福急

云

壬寅通渭秦安大雨雹傷稼畜

覈李瑾報功虛實

木星晝見凡八日

癸卯山東盜五六百騎自青城經壽光攻濰縣知縣張知臯

先遁城陷殺指揮張陞知事杜德銘破昌邑至平度

定案軍冊封仍遣給事中

甲辰詔鎮江祀宋高宗宗澤兼帝祀宋丞相文天祥
午刻黃塵四塞

丁未夜木星犯壁壘陣西第六星

戊申巡撫四川都御史林俊自劾討賊無功乞總制洪鍾便

宜用兵有旨切責俊令鍾即赴保寧高崇熙專備播州

己酉司禮太監張永同法司錄囚

五朔戎朔免直隸山東河南馬匹許輸金

泰安天鳴

辛亥旌楚世子榮滅孝行

性仁孝徒既送葬故旌之

臨

南京守備太監傅容卒賜昭功祠

丁卯盜楊謙等掠濬縣知縣陳滯敗之走太行山

戊辰傳制封訐淵伊王表秩靖安王睦楮益陽王睦楷奉新

王安沁河陰王安泐鎮平王安泗河清王徵鈴襄陵王祐藥

陽城王東舉永興王譽挺延德王

己巳河南盜乘舟入湖廣應山陷雲夢掠黃州都指揮張均

追敗之乃趨江西皇子都指揮趙誠敗之於左蠡仍還湖廣

辛未河南按察使彭澤為右僉都御史巡撫遼東

壬申天津兵備副使陳天祥擒盜功加太僕寺少卿

甲戌提督軍務右都御史馬中錫加左都御史右副都御史
王鼎加右都御史

乙亥太子少保兵部尚書王敬致仕

四川巡視右副都御史高崇熙改提督松潘軍務兼巡撫林
俊同太監韋興專討藍廷瑞等

湖廣派盜入河南商城固始潁州

丙子裁劉家口遵化灤陽分守內臣右少監梁儁太監劉睿
仍改守備

太監張永兵部尚書何鑑及科道官選京營南京守備太監

十九

收

黃偉兵部尚書柴昇及科道官選南營各賜勅

丁丑城臨清京倉監督內臣

戊寅設九江兵備副使移守備都指揮於安慶

六月朔朔大慈恩寺大悟法王捨刺札死特治塋

衡州安仁縣大水

庚辰沁水暴雨大水壞城舍

辛巳寇延綏定邊營游擊時源敗之斬三十四級

壬午火星隕臨江大如車輪又火星墜吉安聲如雷

癸未山西盜李華等合劉宸等於壺關焚劫

寧夏都指揮僉事陳恂等敗於唐渠斬四十二級
乙酉韓府襄城王偕佃薨謚安僖

丁亥盜楊虎入山西陷沁水自翼城洪洞破趙城祁大谷

禮科給事中陳鼎劾籍鼎言事忤吏部請漢州判官中旨謂

附瑾侵物價前鬻平江伯陳熊居第下獄蓋鼎劾廖鏜冒舉賈忌也

初河南按察使彭澤言賊馮山谷之險時劫彰德衛輝懷慶

必須山西河南同參將宋振夾攻使進退無地若但檄山西

鎮巡官往逐月計難以濟事兵部議馬中錫督山西河南直

隸兵集舟黃河南防其濟守鴈門偏頭諸關防其逸彰德衛

此

十五

輝真定保定順德各整兵堅壁截其衝然後募銳夾攻從之

雷震大同後衛石泉墩斃三人

四川盜自江津敗後走綦江終四百人深入貴州石阡糾合

三千人指揮李轅等戰失利遂陷婺川龍泉坪焚屯寨巡撫

湖廣右副都御史陳鎬請調永順保靖土兵征之時官兵怯

輒調土兵剽掠甚於賊有盜杯兵篋之喻

辛卯郟城知縣唐龍濬縣知縣陳滯曹縣署印知事楊謙俱

卻盜進二秩并切責總制洪鍾陳金馬中錫惠忠伯張偉

壬辰永順伯薛勳卒

甲午淮安鳳陽課駒給軍免其輸京

盜楊虎等自山西十一盤山還破武安燬臨汝鎮掠威曲周

武城清河故城景州渡河復入文安合劉宸等都指揮桑玉

達官指揮馮安屢敗署都督同知張俊以京兵二千人往

乙未江西華林山盜陳福陷瑞州

戊戌前順天府尹蘭琦卒 德平人成化辛丑進士

蜀盜藍廷瑞奔漢中陝西兵圍之乞還蜀聽撫

己亥右副都御史周南巡撫南贛汀漳南雄惠潮韶彬以地

衝仍開府

判

癸卯盜復入山東自霑化趨即墨指揮陳鈺戰敗遂破武城

至濟陽

甲辰亦不刺屯莊浪之蘆井龍潭軍民多遁叅將魯經乞

援命游擊將軍吳英往

乙巳酌定 恤典一品葬費三百金役二百人二品

給二百五十金役百五十人三品給二百金役百人三品秩

未滿半之開墾墾役五十人四品下特恩酌奏

丙午止故右副都御史安惟學王綸祭葬以上科給事中謝

訥言惟學誅求激變給侵帑冒級也

丁未總旗梁次攄為錦衣百戶大學士儲之子納錦衣衛舍
人冒廣東十三村功

寧夏地震有聲
戊申前南京太常寺卿呂憲卒秀水人父學士原詹中書舍
人成化 薦北闈 中書應試自憲始文行能世其家

予祭塋

是月程賊攻郵縣火民居三日

七 壬子許真帖木兒還土魯番

盜陷吳橋

甲寅陷南宮

丙辰吏部尚書楊一清陳陝西邊務八事議行之惟寧夏紅

花仍有

裁連陽分守內臣

盜陷冀州

丁巳盜陷棗強知縣段牙死之初拒斬二百餘人攻益急三

日陷牙赴水死盜屠城參將宋振駐東門不發隻矢盜尋去

贈牙太僕寺少卿予祭一子 世錦衣百戶

辛酉金星犯左執法

此

壬戌提督倉場戶部 侍郎邵寶還部巡撫河南右副都御
史邵寶為戶部右侍郎

癸亥盜陷武城樂安陽信霑化海豐青城攻樂陵知縣許廷
擊敗之達初築城浚墮令鄉民垣周其室且出簷上通竇可
隻身出入壯者伺刃竇側盜至無所入竇輒擒斬旗舉伏
發賊殲焉後避不敢近

乙丑南京戶部右侍郎鄧璋為左副都御史巡撫河南

定節考官給三十金自樹坊復其家

戶部左侍郎陳鼎卒單縣人成化辛丑進士

州

甲戌刑部左侍郎張泰為右副都御史總制陝西延綏寧夏

甘肅軍務

乙亥江西盜陷臨江

陝西洮州成縣禮縣四川綿州各地震

丁丑提督軍務都御史馬中錫惠安伯張偉巡撫都御史蕭

紳李貢邊憲王璟叅將李瑾等坐玩寇被劾有旨切責

戊寅朔刑部右侍郎張子麟為左侍郎

四川盜任倭羅萬等入貴州破婺川縣龍泉坪長官司

盜劉宸劉寵楊虎李隆等四十三人迎馬中錫張偉於良店

驛求撫中錫以聞命酌之果解甲起軍門准自首律
已郊勅兵部左侍郎陸完兼左僉都御史提督軍務率宣府
延綏及京兵討盜
劇盜藍廷瑞馮本恕等被擒初盜欲緩我師及秋而掠度不
可勉至東鄉乞撫廷瑞本恕不出請駐衆臨江市副使馬昊
曰臨江市蜀襟喉也上達重欽下連湖湘其地饒富沃衍可
餒賊自困耶獨益治軍盜因不敢東又無可逸乃以所掠女
餌永順土舍彭世麒締婚世麒白制府受之遂邀宴伏甲擒
廷瑞等二十八人餘奔潰斬溺七百餘人捷上進洪鍾太子

下總制右都御史馬中錫惠安伯張偉參將朱振於獄

談遷曰龔遂解繩張綱墮壘賊何難於撫哉第操縱在心

不噫

談遷曰十四

劉存缺

舉動知制府不足信

崔銑曰初薊盜之起劉七等八人耳後至二十六人幸未
歲掠彰德水治不利乃又西至史泉至史泉去府彰德二
舍四面山環七等各喜得僻地可為樂矣離旬無他虞乃
散馬弛弓刀槊挂壁間縱酒歌呼夜乃召倡女酣寢民兵
偵知之約指揮某夜往襲戎夜至史泉東三里止賊皆熟

驛求撫中錫以聞命酌之果解甲赴軍門准自首律
已郊勅兵部左侍郎陸完兼左僉都御史提督軍務率宣府
延綏及京兵討盜
劇盜藍廷瑞馮本恕等被擒初盜欲緩我師及秋而掠度不
可勉至東鄉乞撫廷瑞本恕不出請駐衆臨江市副使馬昊
曰臨江市蜀襟喉也上達重欽下連湖湘其地饒富沃衍可
餽賊自困耶獨益治軍盜因不敢東又無可逸乃以所掠女
餌永順土舍彭世麒締婚世麒白制府受之遂邀宴伏甲擒
廷瑞等二十八人餘奔潰斬溺七百餘人捷上進洪鍾太子

下總制右都御史馬中錫惠安伯張偉參將朱振於獄

談遷曰龔遂解繩張綱墮壘賊何難於撫哉第操縱在心
不一其術馬中錫款賊俾賊偵朝廷舉動知制府不足信
噫其時可知矣

崔銑曰初崩盜之起劉七等八人耳後至二十六人幸未
歲掠彰德水治不利乃又西至史泉至史泉去府彰德二
舍四面山環七等各喜得僻地可為樂矣離旬無他虞乃
散馬弛弓刀梨桂壁間縱酒歌呼夜乃召倡女酣寢民兵
偵知之約指揮某夜往襲戎夜至史泉東三里止賊皆熟

睡是時人持挺可盡殲矣而民兵為田者利其貨謂指揮
曰此屬坐而擒矣而吾輩無利遂去之而俘其棄餘何如
指揮許諾遂明發砲賊大驚乃乘浦力躍馬持矛矢來兵
皆走獨百戶張世祿戰死賊自是不敢恣肆溢為數萬人
大師而後克之嗟乎無法不畏不可以師不貸無疑乃可
以勝自今長老言之未嘗不於邑也彰德府志

丙午夏津地震聲如雷

九劫申巡撫延綏右僉都御史黃珂為戶部右侍郎提督倉塲
盜楊和劉宸劉寵齊考名東入樂安張輿南入澤縣楊虎西

南入東昌王

自東光渡河而西分六都陸完求濟師許之

己酉廣西懷賀等縣猱賊平

楊虎等圍滄州三日不克南劉宸劉寵等適至復圍之五

日中流矢去之

庚戌初副總兵許泰游擊將軍卻永等擊賊霸州斬數百人
始南奔泰追之東光斬二百五十餘人永又破之景州

霸州柁李華

辛亥陝西左布政使舒崑山為右副都御史巡撫延綏

壬子盜陷武城陵平原禹城臨邑霑化在平陽信蒲堽樂安

癸丑天津兵備太僕寺少卿陳天祥為右僉都御史仍捕盜
乙卯免寧夏田租
丁巳戶部左侍郎邵寶兼左僉都御史催漕時滯運尚百六
十餘萬石促貯臨德天津
盜陷靜海
戊午前巡撫雲南右副都御史張誥卒華亭人成化丙戌進士
己未戶部主事王崇慶乞復刑部主事宿進官下獄謫廣東
壽康驛丞
辛酉延綏副總兵馮禎敗盜於阜城擒斬一百六十四人宣

做

府游擊將軍卻永戰棗強擒斬百三十人永及副總兵許泰
又擊斬四百餘人楊虎等東奔

四川盜孽三千餘人復自陝西漢中深入寧羗沔縣破略陽
徽州成縣扶風

癸亥望月食
翰林院庶吉士盛端明為檢討

楊虎等陷威縣新河劉宸等陷日照海豐壽張陽穀立寧陽
曲阜泗水沂水費縣

甲子進士王賞上言兵事切責之

乙丑川盜走貴州思南石阡仍入蜀播州宣慰使楊受等擊
敗之仍走貴州

己巳廣東福建永豐福樂安新淦執叅政趙士賢
知縣申惠等士賢贖免

庚午廣東程破湖廣郵縣

錦衣衛指揮使朱寧為都指揮僉事兼提督官校

辛未傳陞錦衣衛指揮使朱安提督官校巡捕指揮使朱增

莞南鎮撫司

癸酉山西山陰縣地震聲如雷

廿五

物

丁丑南京守備成國公朱輔引年去

崇王祐極薨年三十謚曰靖

都勻地震

右府都督同知楊英鎮守陝西

十月外刑科給事中竇明工言弭盜備邊擇將安民四事忤旨

下錦衣獄

辛巳命巡撫四川都御史高崇熙駐重慶討盜

癸未太子太傅魏國公徐備守備南京

錦衣都指揮僉事朱寧例進都指揮同知

盜入長山典史李暹力戰死之
甲甲劉宸等攻濟寧不克焚漕舟千二百有奇執工部都水
主事王寵釋之

贛州土民何積玉誘擒廣東盜張仕錦等斬之

丙戌劉宸等寇曹州馮禎許泰卻永戰於裴子岩斬三百餘
級又追斬千八百餘人

太監張永選團營得驍卒四萬三千人練習聽征

丁亥昏刻金星犯斗宿

己丑入大同黃土坡官軍失利

盜千餘人自宿遷渡河攻虹縣

十丁未朔巡撫湖廣右副都御史陳鎬卒應天人成化丁未進士

戊申南京科道復劾逆黨南京戶部尚書李瀚江西總制左

都御史陳金刑部侍郎張子麟工部侍郎李堂南京工部侍郎

周宏巡撫右副都御史顧源舒崑山南京太常卿張芮通

政參議呂元夫山西參政常麟夏景和福建參政臧麟雲南

參政鍾渤四川參議錢朝鳳山東副使張憲廣西副使鄧文

質山東僉事陳霆賈欽廣東僉事夏遂揚州知府王鐸江

知府張錦河東運使劉藥浙江運使仲本贛慶同知蔡中孚

有旨瀚等令自陳陳金仍討盜常麟等俱致仕留臧麟等
康成御馬太監谷大用總督軍務伏羌伯毛銳總兵太監張
忠監神槍率京兵五千會陸兗討盜

壬子昏刻月犯秦星

癸丑大理寺卿張綸為工部右侍郎

甘肅總兵王勛敗觀音山斬二百六十六級

丙辰戶部左侍郎兼左僉都御史叢蘭賑北畿河南南京戶

部右侍郎王瓊改戶部左侍郎兼右僉都御史賑北畿山東

巡撫四川右副都御史林俊辭陞賞不允致仕

此

辛未前戶部尚書侶鍾卒鍾字大器鄆城人成化丙戌進士

授御史忤汪直被杖後撫薊鎮保定遷刑部右侍郎憂去坐

累謫守曲靖弘治初改官至尚書

前亦不刺阿爾克廝與小王子仇殺屢入寇涼州右副總

兵兼泰戰大河灘斬百十三級

初戶部左侍郎兼左僉都御史叢蘭巡視廬鳳滁和兼賑濟

其河南歸巡撫鄧璋淮揚徐邳仍屬漕運右都御史張縉

癸酉大學士李東陽滿九年考兼食大學士俸

浙江左布政使劉琬為右副都御史撫治鄖陽

甲戌盜陷葉縣

左府署都督僉事楊敬卒

定州人世濟州衛指揮使征迤北陷歸屢立功

乙亥瘞畿內山東四川河南江西山西兵亂暴骸從雄縣教

諭魏綸請

楊虎陷甯遷淮安知府安福劉祥敗於小河被執沐陽諸生

沈麟說賊脫之并及靈璧知縣陳伯安祥過事敢為後戎嶺外

十 乙卯提督軍務兵部左侍郎陸完為右都御史副總兵馮

禎許泰游擊將軍卻永為都督僉事副總兵許泰為署都督

僉事

壬午命順天尹禱雨雪

曉刻大星自軒轅派至近濁昏刻木星犯壘壁陣西第六星

乙酉巡撫江西右副都御史董際卒涇縣人成化丁未進士員才略居官可紀

直文華殿光祿寺卿周惠疇劾免

丙戌南京工部右侍郎周宏自陳免

福建左布政使王鎮為右副都御史巡撫蘓松總理糧

儲

丁亥大星隕澤州天鼓隨鳴

錦衣衛都指揮使谷大中為都督僉事指揮同知朱成為指

揮使俱冒功

中府署都督僉事張文淵平

霸州知州王汝翼縱賊屬下詔獄

戊子前太子少保兵部尚書兼翰林學士尹直卒直字正言

江西泰和人景泰甲戌進士選館授編修歷兵部左侍郎兼

學士直閩尋進尚書致仕疎俊不拘小節頗負才氣多物議

文瞻逸渾健步驟大家所著歷代名臣贊皇明名臣言行通

錄行世年十贈太子太保謚文和

免甘肅田租

旱電免西安延安慶陽田租

四川盜自陝西復入劫掠殺兵備副使馮傑於蒼溪之鉄山

關事聞贈傑按察使謚恪愍廕子汝驥入監尋改千戶

壬寅寧夏副總兵都指揮僉事保勛為征西將軍署都督僉

事總兵鎮守寧夏

癸卯伏羌伯毛銳駐河南馮禎時源金輔等兵屬之太監谷

大用右都御史陸完駐畿南李瑾許泰欲永陳勛王果熊偉

劉暉等兵屬之仍勅湖廣協援

甲辰南京戶部尚書李瀚自陳致仕

涿盜犯虹縣蒙城

乙巳山東按察使袁經為右僉都御史巡撫遼東

都指揮同知王保擊盜於沈丘敗沒贈指揮使

陸完追盜戰文安東鹿安州皆獲俘斬凡千人

丙午前巡撫寧夏右副都御史曲銳卒萊陽人成化辛丑進

犯肅州都指揮董傑擊斬百一十九級

是月涿盜攻遂平殺知縣王佐縣丞毛繡佐弘治乙卯貢士

贈太僕寺卿詹錦衣百戶攻固始使致仕縣丞曾基控馬不

從死攻息縣致仕主簿邢祥詬罵死趙燧等推劉惠稱奉天

冊

征討大元帥懿副元帥張

前軍都督管

後軍都督劉孜

左軍都督馬武右軍都督邢

中軍都督陳翰

都主事餘

各偽署不一衆十三萬列二十八營應列宿傳檄下郡縣治

橋道儲餉且戒其黨毋殺良民至舞陽劫庫釋囚有僧德靜

妄言唐王子留之欲擁立馬破封丘殺御史宋紀攻鈞州知

州李邦彥力拒不克怒甚趙燧繼至以故尚書馬文升家馬

去之破寶豐僉事孫磐以黃榜招燧答曰群奸在朝濁亂海

內誅殺諫臣屏斥元老乞 皇上獨斷梟群奸之首以謝天

下斬臣首以謝群奸攻裕州同知山陰郁采都指揮拒之頗

有斬獲賊益兵三萬而陶指揮辛澤任綸知州李德仁皆遁
朱濟死之鄉御史任賢助戰守殉死者十三人居民死三千
人采弘治戊辰進士授刑部主事降大名教授遷裕州有蘭
州集贈光祿寺少卿

正德七年——十六年 劉李全錄

壬申正德七年

正月未朔濮州地震有聲

戊申彰德地震有聲

己酉掖縣招遠天鼓鳴

命咸寧伯仇鉞討盜

丙寅寧夏地震有聲

丁卯周府沈丘王同鏐薨謚榮疾

己巳復甯果柳尚義左右僉都御史仍勅盜果尚義賂張永
得之兇徒規進清議亡論也

設潼關兵備副使

庚午禁私鑄錢時錢惡甚至四枚准一

甲戌故登州通判邵章贈知府萊陽縣丞陳韜贈通判各予
祭

二月丑右副都御史彭澤同咸寧伯仇鉞提督軍務御馬太監陸闡監督軍務司設太監尹生管神槍

己卯戶部右侍郎黃珂兼左僉都御史總督河南糧餉免竹谿縣去年田租

盜掠利津署都指揮周琮敗沒掠萊州指揮僉事蔡顯亦敗沒

壬午左僉都御史竇果巡撫保定兼提督紫荆等關

癸未宥故延綏總兵署都督僉事馬昂罪降參將防守鳳陽丙戌蒲州華陰同官地震

辛卯應天府尹孫春致仕

癸巳游擊邵永等敗盜李陰於陳村店敗劉辰於^宋家庄共斬四百四級參將陳勛王果各有斬獲頗失實

丙申副總兵時源盜敗於陽武斬三百七十八級

癸卯日本國王源義澄貢^馬匹刀甲

三卯午朔鴻臚寺卿劉愷為右副都御史總理河道翰林院庶吉士王道改應天教授便養

大學士李東陽等請御經筵不報

丁未夜柘城縣星流天鼓鳴

戊申錄功副總兵都督僉事侯勛進都督同知

渭南地震有聲

已酉鄜州地震

庚戌山西布政司右叅政林廷玉為通政司右通政提督騰

黃

山東左布政使姜洪乞休因言除寇安民事宜曰用兵之道
主制客逸待勞飽待饑今賊一人嘗兼馬一日夜馳二三百
里椎牛倒廩資食於民而我軍所過續食易馬賊聞將至列
營待之則賊為主飽而逸我顧為客饑而勞又官軍行不設

廿九

奇不分兵不伏險邀擊及至近賊乘間去勇之不克皆由

於此臣聞冬來賊亦困之攻城不得掠野無資且南阻黃河

西阻太行其往復循環不過二路西則魚臺濟寧金鄉過小

灘趨河南彰德衛輝大名北則海豐靈化泊頭趨滄景河間

霸州宜分兵駐濟寧德州海豐各二三千人列營守戍責以

成功賊自河西河北至山東兵邀之自山東至則河南直隸

兵邀之使不得休息若官兵不足山東土兵可集互為犄角

賊可平矣部議行之

辛亥前南京戶部尚書秦民悅卒民悅字崇化舒城人天順

丁丑進士授行人沈靜謹恪進止有常日讀書老不廢脈翰
其南京兵部尚書內艱去堂跡乞休言官刺其嗜進人不以
為然贈太子少保謚莊簡

癸丑吏部尚書楊一清等覆裁冗員時數千人得旨僅文華
殿供奉監生孫塘王飭張齡除名序班王聰姬龍謫外

中旨內官太監張雄提督東廠

丁巳大學士梁儲以子次攄妄殺人御史張璉劾之乞休不

允

太原地震

盜圍河南三日副總兵都督僉事舒城馮禎及時源叅將神
周迎擊之叅將姬信失利先遁禎敗死贈洛南伯謚襄愍子
大金襲陞都督僉事

癸酉雲南左布政使楊茂元為右副都御史巡撫貴州

江西布政司右叅政吳廷舉敗賊於連河寨

四 乙亥朔山東左布政使姜洪為右副都御史提督鴈門等關

兼巡撫山西

南昌知府李承勛奉檄會副使周憲討華林盜承勛得降賊
黃奇為間夜以田州兵五百人襲之賊自敗官軍後久絕人

跡斬闖入賊寨中大潰斬三千餘級賊平而田州兵好掠民
諺曰華林賊來亦得土兵來死不測黃狐跳梁白狐三十家
九家邏柴棘

戊寅男子張用等五百餘人自宮求進命逐之

庚辰前吏部尚書劉機改南京兵部尚書

辛巳罷巡撫寧夏右副都御史張勛

壬午兵荒免食不落夾

癸未陝西按察使馮清為右僉都御史巡撫寧夏

甲申水災免淮安田租十六萬石

昏刻土星犯亢宿

戊子甘肅副總兵蘓泰夜襲斬十一級或曰正月以來

亦不利敗於小王子率衆奔甘泉

永昌肅州多疫官軍割屍報功

賑畿內山東粟二十萬石

辛卯雲南鎮守黔國公沐崑報安南長官司那代等叛擊擒

之

丁酉叅將王果值盜於蒙村戰沒贈都督同知叅將成釗不

救下釗獄

癸卯朱麟嗣撫寧侯保國公朱暉子遵 孝宗之命

五明辰朔以各災變脩省

丙午劉宸劉寵奔登萊陸完次平度檄游擊將軍卻永恭將
溫恭都督白玉邀破之於古縣集宸等以七百人西走劉暉
追及之淮河又敗之宸易服遁凡擒斬二千六百餘人
罷九門守衛

紀功御史雷宗有罪下獄請典史

丁未盜掠羅山殺主簿王續忠續忠靜寧州人監生先繕城
道淮為濠羅山獨全督鎮令帥諸邑民兵逐賊同指揮沈鏜
追至牢山而敗續忠力戰死贈知縣錄子入太學盜又破太

和四統穎州界圍兵備李天衢於穎工檄穎川衛指揮鞏臣
元麟梁文援之值於蓮花鋪梁文戰死壯士鹿鷗擒李龍李

魁圍解

戊申免午日宴

盜劉惠自遂平趨成臯永順土兵擊敗之倉卒渡河溺二千
人斬十餘級
臨胸安丘雨雹

辛亥吏部尚書楊一清以考滿蔭子禁庸碌屢被劾者及子
孫請乞禮部尚書傅珪駁之適吏部覆侍郎王瓊蔭監珪謂

吏部亦為請耶卒如一清言珪不能奪
杭州地震有聲

壬子戶部左侍郎邵寶歸省

楚雄地連震聲如雷甲子止

甲寅江西東鄉盜平先後斬萬一千六百七十三級俘七百
五十餘人破二百六十五柵多兩廣土兵力第允淫嗜殺總
制陳金不能撫御西人苦之

戊午太原地震

己未前翰林檢討劉瑞為山西提學副使

辛酉李揖毛伯溫周廣李穩程昌陳言張紳孫泰孟洋董建

中陳天錫楊時周劉澄甫余珊謝楷曹銓沈圻劉成德王金

劉士元劉景宇鄭一初陳實馬陳圖汪珊為試監察御史

吏部尚書楊一清等以修省言 陛下每月視朝不過一二

非所以聞於外夷訓後世也又常宿豹房駐宿累日後苑練

兵鼓砲之聲震駭城市以宗廟社稷之身不自慎惜比群臣

所以夙夜不能安也報聞

馬中錫卒於獄宥惠安伯張偉奪太保及歲祿中錫家故城
其撫盜也盜相戒勿犯故城時派言中錫念桑梓通盜故重

謹

朱國禎曰派賊猶鬼風也。有人於此，勝理不密，卒然乘之。幾通體浮腫，心腹不寧，要之無氣，尚充有剝膚難收之苦。無瓦解必傾之勢，元氣者本也，本不傷則力猶勁。秦陵所留厚矣，易世未幾，人心方固，雖內豎逆天濁亂宮府，而廟祐有靈，俄焉殛滅。事從反正，才俊滿朝，彭澤尚已陸完，疵於品而饒於略，大武山人誠亦不凡，重以邊之健將，精卒驅醜，革納江之湄，海之滢，人謀已盡，即徵颶風殘敗之餘，其能漏網乎？獨馬中錫清直之品，用違其才，置非其地。

賈志以沒千古為恨，當時楊文襄秉銓條陳兵事，班中肯李文正當國，踈朝工夕下，本兵何鑑亦非執拘誤事者，乃獨不為中錫地，使之桑梓掣肘為忌者，所快嗟乎！時方禍結，人亦數奇，真無如之何矣。

壬戌解州地震有聲

諭土兵頭目約束所部兵毋擾害

建州右衛貢夷至陽樊驛，值盜劉宸等殺傷二十九人，掠三人，命厚卹之。

甲子中肯分守懷來太監王綱鎮守宣府

丙寅湖廣兵敗盜於羅田麻城蘄水擒斬五百八十餘人焚溺七筭

盜殺南京糧儲右都副御史馬炳然於夏口炳然赴任舟過武昌倨見守臣匿盜不以告盜劉宸等五百餘人自團風鎮奪舟溯沅工詐稱候吏登舟殺炳然妻吳氏自溺死遂掠漢口指揮滿弼等追及擒斬七十人其一中矢溺死視其屍謂劉宸也贈炳然右都御史謚毅愍廕國子生予祭葬旌吳氏炳然字思進內江人成化辛丑進士令嘉魚擢御史歷令官河南盜趨徐州黃家岡渡河

己巳副總兵署都督同知張俊疾免故總兵白玉賂太監陸閻得代俊

庚午報副總兵劉暉叅將溫恭擊盜於冠縣斬百七十八級劉宸子仲淮及劉彥高皆死指揮張勛戰平原敗之盜遁僅二百餘人

辛未太原地震有聲

壬申邛雅嘉定資縣地震

癸酉巡撫雲南右副都御史顧源疾去

河南妖盜趙景隆倡白蓮教自稱宋王糾千人衣甲皆赤自

河南歸德轉掠鄆陽巡視侍郎叢蘭令武平衛指揮石堅毫
州知州張思齊等擊斬之俘五百餘人

劉宇卒字鈞州人成化壬辰進士令上海拜御史按貴州坐
事謫令施秉內袒謝諸守臣弘治初起守瑞州歷山東按察
使雖剛愎亦有能聲進撫大同正德丙寅以右都御史總宣
大侵餉賂瑾召入內臺加太子少保好管御史瑾善之改兵
吏部尚書直閣三日聽展墓終老

閏五月乙亥故扶風知縣孫璽贈光祿寺少卿予祭廕子入監初
璽奉檄城略陽值盜至登陴拒五日力屈死盜投之江略陽

知縣嚴順忌之云俱遁溺白水江子紹相辨奏果如之

丙子遼東懿路城火

丁丑陝西左布政使洪遠為右副都御史巡撫陝西

戊寅盜楊氏楊虎妻號楊寡婦督騎掠濰縣利津指揮喬剛禦卻之

僉事許達又敗之高苑斬四十一級未幾盜錢馬以百騎劫

德平追至楊二崖殲之又令指揮張勛邀之於滄州米冢屯

凡俘斬二百七十五人

呂柟曰嗚呼劉齊之寇已非大宸濠之初起可比

而樂陵知縣武定僉事其官又小於江西副使者也乃公

能成功於前而不能保身於後者何哉職有專不專人心有同不同也

己卯命順天尹禱雨

中書御馬太監崔安守備南京廣東珠池內官太監史泰鎮守貴州

庚辰四川劇寇方四伏誅四仁壽人徙貴州後從曹甫等作亂破江津綦江劫梁山忤甫而閩變姓名潛走閩縣被獲甲申咸寧伯仇誠擊盜於光山大敗之斬千三百九十八人盜潰走六安

丙戌河南盜轉掠黃陂都指揮陳表敗之退據羅田都指揮潘勳保靖宣慰使彭翰等擊斬五百八十餘人

戊子傳制封榮滅楚王健斌高峯王知熾義寧王表標榮王寵涵湘陰王同銘封丘王

己丑亦不刺寇甘肅官兵擊斬三十二級

庚寅巡撫大同右僉都御史謝綬卒綬朝城人成化甲辰進

前右都督神英卒英世延安衛指揮使嘗封涇陽伯尋奪予祭葬不得謚

辛卯宥山東保定巡撫右副都御史邊憲蕭朮罪復其官任

時謂其溢

壬辰中旨御馬監太監張銳提督東廠

河南盜平盜攻六安仇鉞令時源等進敗之七里岡盜分為
三神周追趙燧姪信追賈勉見盜急復令我戰宿州應山皆
獲盜遁而劉惠自黃陂光羅至桐柏南召源等連敗之惠夜
以十七人走嵩縣多道亡至土地嶺困甚自縊張永見以七
百騎走金輔陳珣等邀於上蔡瓜皮店無一脫者先後斬四
千七百二十二級俘百七十人降七百餘人賈勉見又連敗
於扶溝西華永城虞城變姓名匿項城之丁村獲之趙燧連

敗於宿州息縣喪千餘人走德安自斃為僧匿江夏護軍趙
成獲之

癸巳阿爾瓦斫寇嘉峪關指揮僉事趙承序等龍斬百餘
級

盜廖惠侵閩中官軍擊斬四百五十人遂走東涿

乙未夜月犯外屏星

丙申夜涿星自天市至房宿

丁酉曉刻金星犯井鉞

庚子費縣汶蒙山崩

辛丑兵部議併功陞格

盜劉寵等入湖廣

壬寅巡撫遼東右僉都御史袁經改大同

六癸卯朔故翰林編脩孫清為山西提學副使清無行坐廖愷子代試落職至是以伶人臧賢為吏部地得起冢

方回餘黨四千人犯沔縣副總兵閻綱擊敗之追至老馬山合苗蠻來攻我都指揮劉毅千戶黃虎等敗死贈毅署都指揮使

甲辰山西左布政使張貫為右副都御史巡撫遼東

巡撫山西右副都御史姜洪卒

廣德人成化戊戌進士歷官清介天啟初追謚莊介

丙寅晚刻水星犯鬼宿

丁卯山東招遠縣赤龍如火騰於天隨天鳴

戊辰右都御史王鼎罷

己巳鞏昌地震有聲

七朔戌南京刑部右侍郎陶琰為右都御史巡視浙江

丙子司禮太監溫祥刑部右侍郎戈瑄錦衣指揮韓端往岷府治黎山王彥漢鎮國將軍彥泗彥淮淫縱之罪彥淮降虜人奪彥漢彥泗歲祿戎奸徒四十五人

丁丑陳儒嗣奉寧侯陳璇子

四川盜曹甫降總兵楊宏王憲副使張敏馬昊等連敗之營
山蓬州俘斬千二百餘人甫震洪鍾遣諭之敏卓騎入營甫
受命廖惠不從遂殺甫而盜黨日散

戊寅副總兵劉暉時源卻永李宏並拜總兵官分守山東河
南兩直隸各留千人延綏兵還鎮連東宣大兵過京遂留不
遣

己卯南京右都御史李士實改署院南京大理寺卿郭紳為
南京刑部右侍郎四川按察使公勉仁為右僉都御史巡撫

大同兼贊理軍務

辛巳巡撫都御史邊憲蕭翀各引疾免

盜歷阜城交河左僉都御史甯果兵追之不及良民百六十
餘人冒級科道交劾

壬午罷南京操江都御史陳世良武靖伯趙弘澤改任都御
史俞諫懷寧侯孫應爵

癸未刑部右侍郎弋瑄為南京右都御史

甲申光祿寺卿鄭宗仁為右副都御史提督鴈門等關兼巡

撫山西

丙戌兵科給事中王昂劾吏部尚書楊一清不平不明大壞
選法請昂休寧縣丞一清跡留不聽 王雲鳳遺書一清
曰留王昂跡人所傳誦不聞唐介初貶之時文潞公有此否
然介貶數月即復殿中侍御史今昂即不獲還之青瑣推薦
超陞亦在執事筆端耳每恨李文達近稱賢相然惡羅倫淪
落以死憾岳正坎坷終身而極貧之陸布政反得峻擢今文
達之富貴安在哉一身之榮顯可略而天下指視之嚴可畏
且用舍之間士風所繫扶持正人則善類慶而士風以振獎
進邪人則善類沮而士風以頹竊恐有奔趨富貴利達者相

見之際非稱功誦德之詞則乞憐希進之語未有以直亮之
言達於聽聰以古人功業望執事者故敢布其愚焉昂及某
遷應天推官

談遷曰言官糾劾不聽則被斥亦其分也文彥博不留唐
介李賢不留羅倫大臣出身任國安用此周旋飾休之
量哉王雲鳳敢名人也山中遺一清書是不可已乎後此
大臣被劾請及言官俱未嘗不留、無一聽更陰下之石
賈譽甚巧設阱彌毒故貌大臣者不如其質也

丁亥夜月食

戊子伊府光陽王勉柝薨謚榮靖

提督倉儲戶部右侍郎黃珂改刑部

大帽山盜何積欽等被擒俘斬千七百餘人

壬辰太常寺卿侯觀為戶部右侍郎提督倉場

南京國子司業羅欽順為南京太常寺少卿

癸巳江西按察副使安陸周憲討華林盜死之憲字時敏弘

治癸丑進士善星術有賊黨以星至且賀捷憲曰我刑殺太

重無制曰刑殺利於兵憲遂深入中伏死子幹馳救創甚卒

詔贈按察使謚節愍予祭塋廕子金錦衣百戶旌其門孝烈

李夢陽曰天有大數世有大運人有天命故京房郭璞皆不免殺身由是觀之命可知已

戊戌鞏昌地震

山東盜孽自冠縣劫朝城大同指揮使追斬七人戰死

庚子翰林檢討穆孔暉為南京國子司業

八月員朔盜劉寵等復自應天安慶踰抵瓜州傷我官軍

癸卯巡撫山東右副都御史張鳳致仕

前署鴻臚寺事禮部尚書賈斌卒前人監生

乙巳設汝寧南陽兵備僉事

丙午夜開封有流星如月隨天鳴

丁未監察御史周廣劾錦衣指揮朱寧本太監錢能蒼頭不
宜冒國姓稱義子忤旨謫廣東懷遠驛丞

馮時可曰 武宗時天下岌、周公惻怛忠懇奮不顧身

發藥石之談禡神奸之胆雖貶竄僂辱瀕於九死而梟獍
斂手鍾鼎不移豈非其默扶力耶居官居家所至欲行古

道

阿爾禿廝寇永昌亦不利求我速刺討來地任牧又女婿

哈密都督奄克字刺

子每

已酉鎮守河南太監甄瑾瑾頗安靜

餘干柰源盜平

庚戌前通政司右通政王雲鳳為右僉都御史

癸丑戶部主事曹琥跡救周廣謫尋甸軍民府通判後改廣

信有聲終鞏昌守

前太子太保兵部尚書閻仲字萃隴州人成化乙未進士相
幅稱治

丙辰前吏部尚書楊守陟卒鄆人成化戊戌進士及第授編

脩博極子史同兄守陳自相師友贈太子少保予祭塋

山西副總兵戴欽協守延綏參將神周為副總兵鎮守山西

兼提督代州三關

辛酉巡撫貴州右副都御史楊茂元改南京時復設副都御史

壬戌江西左布政使任漢為右副都御史巡撫江西

癸亥盜劉寵齊彥名汎大江下孟瀆衆六七百人陸完分兵

促之至通州通判胡嵩指揮劉葵等拒之不得登颶風作舟

壞奔狼山劉暉卻永等迫之力戰蒙盾奪其險殺彥名寵欲

掠小舟入海中矢溺死餘殲焉

高岱曰國家二百年盜賊倡亂未有甚於此寇者侵薄兩

五十六

畿蹂躪數省雖漢黃中何加焉其卒邊定者 祖宗之慶

澤天命之眷佑耳當時諸臣所以控制之略未見有持必

勝而得萬全者始焉馬中錫張偉固已失策玩寇而繼之

陸完谷大用毛銳等視中錫等何彼此耶成敗遲速幸不

幸耳及中錫等下獄論死而完等封拜崇顯是惡足為賞

罰耶要之摧敗賊鋒者諸邊卒之功而勅捕邊卒者各守

臣之力其馳騖中原身當其難則彭澤之勞勩似不可誣

而皆賞格所後也雖然幸賊無豪傑遠圖耳使二寇據形

勝按紀律相為犄角豈完等之所能制哉乃若去鈞州城

不屠而入泌陽掘焦芳先墓則公論在盜賊亦有之孰謂其無良心也

甲子廣西右布政使沈林為右副都御史巡撫貴州兼理軍務

巳巳騰衝地震明日又大震傾城舍地裂涌水赤溺田禾

庚午江由設東鄉萬年縣分隸撫饒

餘盜劫掠滄州
九癸酉朔中旨鎮守薊州永平山海太監王宏改河南王忻代鎮薊州罷鎮守雲南太監張倫朱奉陝西太監王興令梁裕

廖堂代

甲戌德府濟寧王祐攝薨謚安僖

丁丑西寧北川守備江淮副使胡經拒之陶豕寨早平山斬獲五十餘人

丁丑謫淮安知府劉祥戌平越衛錦衣指揮僉事年斌韋壘降百戶初尚衣監太監喬忠過淮安與尚京給事中劉紘祥族姪爭舟訴於上下紘等獄斌壘謂非其罪故各譴祥治郡有聲斌治獄平恕時論惜之

戊寅雅州嘉定榮經名山夾江地震有聲

己卯許戶部左侍郎邵賢終養
故泰興主簿黃璉贈知縣賜祭廕子入監前狼山盜十二人逸
入境被殺

壬午玉山縣火

癸未南安贛州地震

乙酉江西總制陳金破蕪林盜斬渠帥羅光備等進太子少
保廕 百戶

戊子召四川總制尚書洪鍾還拜彭澤右都御史總制四川
康寅隆慶衛地震有聲

庚子礫趙燧等到其皮製鞍鞴 上每騎乘之

十月 寅周府海陽王安逢薨謚

甲辰中肯太監王堂筦浙江市舶司崔和鎮守雲南金齒騰
衝

吏部薦終養按察副使潘府致仕工部虞衡司員外郎祝華
養疾御史盧格主事張翊許之未即用

丙午溫縣地震

戊申戶部右侍郎兼左僉都御史叢蘭還部添註
癸丑南京左府保定侯梁任卒

丙辰中旨鎮守甘肅太監宋彬大同鎮守太監梁玉互調
乙未中旨分守涼州太監張昭鎮守寧夏太監許宣代昭
庚申水旱免紹興寧波嘉興金華嚴台溫田租

辛酉太子少保左都御史陸完署院

壬戌許宣府副總兵許泰在京治疾

夜大星涿州聲如雷

甲子拓豹房

遼東廣寧等衛天鳴地震

乙丑朱寧朱安朱國並進後府都督僉事寧安仍署錦衣衛

印朱謙錦衣都指揮使朱剛都指揮僉事以平盜功

免餘千樂平等田租

丁卯免裕州鄆陵田租

命脩闕里

戊辰蜀府內江王友璠薨謚莊懿

巡撫貴州右副都御史楊茂元以擅作符幟奪俸三月

己巳兵荒免所在糧稅加賑并用備貼丁等項

十一月軫益兵討蜀盜廖惠右都督時源為平賊將軍總兵提督

四川軍務

癸酉夜常德天鼓鳴

戊寅定遠前衛納級都指揮僉事張椿為中府都督僉事鉄嶺衛納級都指揮僉事傅鑑為左府署都督僉事以討盜功已外給終養御史陳茂烈月粟三石茂烈辭晉江教諭貧不能支有司復請廩之

甲申涼州鎮守太監許宣求食茶特准七百斤戶部爭之聽不懷來衛隆慶右衛各地震有聲

丁亥命營軍邊軍互出入練習各三千人先是近幸以京兵弱請調邊兵入衛如踐更例廷議難之大學士李東陽力言

不便者十皆不聽其後邊將江彬許泰張洪神周號四外家軍依憑威寵都人苦之

戊子駙馬都尉楊偉卒偉故興濟伯善之孫尚崇德公主

壬辰禮部右侍郎李遜學為左侍郎南京禮部右侍郎吳儼改禮部

癸巳巡撫保定左僉都御史甯杲提調天津兵備右僉都御史陳天祥俱貪暴被劾徵還

乙未司禮監張永以舊理御用監盜庫七千餘金太監丘聚發之調永御用監閑住

丙申通政司右通政林廷玉為右僉都御史巡撫保定兼提督紫荆等關順天府尹楊旦為南京禮部右侍郎

監察御史雷宗謫瀏陽典史宗紀功枉道汝寧失事下獄

戊戌脩大慈恩寺僧舍

己亥設紫陽縣隸漢中

庚子南京通政司左通政楊燾為順天府

是月賊陷工蔡知縣霍恩及典史梁達死之恩世燕山前衛

正千戶弘治壬戌進士令山陽憂去補安邑又憂去補上蔡

年四十二妻劉氏亦死之贈恩光祿少卿劉氏宜人建愍節

祠子汝愚世茂山衛指揮同知汝魯廢入監

十 仁 辛 丑 朔 工 視 牲 南 郊

壬寅四川總制太子太保刑部尚書兼左都御史洪鍾致仕

甲辰南京吏部右侍郎羅玘致仕

饒平縣地震

戊申吏部郎中王守仁為南京太僕寺少卿

監察御史張士隆劾光祿寺卿李良師事劉健女適其孫承

學載父墓誌中健去位背盟改適貢士朱敬宜斥良自引疾

去

庚戌免光州上蔡遂平確山真陽新蔡息光山固始商城裕
州葉唐泌陽糧役

辛亥祈雪

壬子工部尚書李鏊進太子少保刑部左侍郎張子麟為刑
部尚書

禮部左侍郎毛紀夏去

癸丑仍令禮科給事中李貫行人劉文瑞使占城貫等受命
久淹欲令占城領封廷議不許

都督僉事朱寧朱安為都督同知千戶汪璜等百十六人陞

級有差自陳緝捕功

丙辰國子祭酒王鴻儒為戶部右侍郎

丁巳刑部右侍郎黃珂為左侍郎工部右侍郎張綸改刑部
戊午免山東災傷糧芻

錦衣衛都指揮使谷大亮等四百二十五人俱陞級冒隨征
功

壬戌易州山廠工部右侍郎張遇還部

癸亥前巡撫宣府右副都御史李進卒

曲沃人成化己丑進士

甲子旱災免蘓松常鎮田租蝗災免保定河間滄州田租

潘府吳江王詮鑑薨謚昭和
連東都指揮使張洪張璽為都督同知

丙寅太僕寺卿劉永為工部右侍郎
簡易州山廠

前南京戶部尚書王佐卒
佐和順人成化戊戌進士授吏部

主事無他長尚書尹旻偉其貌
板天曹積至八座子雲鳳亦

祭酒諛瑾見鄙

旱災免平陽太原田租

巡按南畿監察御史李雲
跡上失用印逮下獄請泉州推官

丁卯少師大學士李東陽致仕

六九

山西盜李五走延安以妖術
蠱衆作亂殺指揮陳正陷洛川

攻宜川白水尋敗走

戊辰前太子太傅吏部尚書
兼左都御史屠滂卒滂鄆人成

化丙戌進士授御史王越薦其才
起僉都御史至今官練達

精敏有用世才稍失防檢
正德初仍起內臺善與時俛仰其

脫劉大夏死人亦稱之贈太保
謚襄惠

己巳延綏總兵官侯勛劾免

應天府尹張淳為左僉都御史
巡撫延綏

癸酉正德八年

正朔酉右副都御史俞諫提督江西軍務陳金罷

甲戌廣寧前屯衛寧遠衛各地地震聲如雷

丙子傳陞兩浙鹽運司同知劉瑄改錦衣指揮僉事瑄先守

涿州從征盜谷大用上其功陞兩浙至是又賄改

戊寅山東布政司左叅政張津為南京右僉都御史提督操

江

己卯昏刻月犯天高星

代府昌化王成鏐薨謚榮僖

陝西布政司右布政使高友璣為右副都御史巡撫大同兼

理軍務

辛巳鎮守甘肅總兵王勛改延綏都指揮使金輔為平羌將

軍署都督僉事總兵鎮守甘肅

降脫太等充御馬監勇士兵部執不可不聽

冠大同團副總兵神周於草塲山

壬午工南郊

昏刻金木星合犯

癸未福州地震

甲申太僕寺少卿孟春為右僉都御史巡撫宣府

乙酉署都督同知許泰莞敢勇營都指揮僉事江彬莞神威

營武平伯陳燾莞五軍營左掖

金星晝見巳丑滅

丙戌昏刻金星犯外屏第三星

戊子兵部右侍郎石玠兼右僉都御史提督遼東軍務時海

西夷屢犯遼泰寧三衛久不通市命玠先撫諭

己丑增宣府大同延綏寧夏甘肅餉告匱增鹽引二百二十

五萬二千五百有奇

夜月犯土星

辛卯旱災免西安延安田租

壬辰遼東長寧堡火

湖廣副總兵李瑾以常德九谿等衛軍二千人赴江西

癸巳戶部右侍郎叢蘭兼右僉都御史巡視西路自居庸關

至龍泉右僉都御史陳玉巡視東路自山海關至古北口

乙未夜月犯牛宿中星

戊戌大風霾

二月丑旌殉難孝子烈婦百十九人列碑立旌善亭書其事

四川盜廖惠等以千餘人降受之

四川總兵楊宏免宏性怯屢見敗

甲辰故西安後衛指揮使雲海贈都指揮同知擊藍廷瑞陣

乙巳賑浙江竄丁

鎮守徐邛總兵官都指揮同知李銳為署都督僉事協同提

督江西軍務

科道劾甯果妄殺置不問果有與援語人曰彈章盈車我無

患也

七七

丙午封都督僉事谷大亮永清伯錦衣衛指揮使陸永鎮平

伯陸陶歲祿千石

故西安衛指揮僉事殷輔殉寇贈指揮同知

丙刻月犯司怪星火星隕常山縣官舍

庚戌中府都督僉事溫恭為署都督同知

癸丑寧夏總兵保勳劾免

故萊蕪知縣同始熊驂贈光祿寺丞主簿大谷韓塘贈知縣

各廕子入監俱逐寇死

辛酉夜宣府新河口堡旗端有火光

都指揮僉事魏鎮為署都督僉事總兵鎮守寧夏
癸亥賑河間保定

柘源盜掠弋陽上饒及於開化叅政吳廷舉往諭被執不為
動得歸調金華所兵往大敗殺百戶朱真鄧真浦江主簿蔭德齊
敏勅之戰死贈知縣蔭孫恩入監

丁卯咸寧侯仇鈺總兵署都督同知許泰副之同領操團營

三月午朔設河南睢陳道兵備僉事

壬申徐源嗣永康侯徐庶長子

甲戌內承庫運以紵絲紗羅乞工部市萬匹命半之

丁丑齊河夏津歷城大雨雹傷稼

試監察御史孟洋下獄洋論大學士梁儲屢被劾當去禮部

尚書靳貴陰求入閣上責其排陷請桂林教授

戊寅禁私閱罪且戍邊終不能革

壬午都督僉事朱國為都督同知國本許姓錦衣副千戶侍

上往滄州禦盜

甲申兵部右侍郎石玠為左侍郎右副都御史王景改兵部
右侍郎

丙戌千餘騎犯大同攻朔州圍馬邑殺掠甚衆總兵葉椿

禦之斬五十餘級

丁亥令天下築城

戊子改太平倉曰鎮國府駐宣府兵

己丑右僉都御史陳玉為右副都御史

停內外非時考察

辛卯蘓松兵備副使謝琛浙江僉事吳希由分筦水利

癸巳四川廖惠復叛逮巡撫右副都御史高崇熙信惠之降

編置開縣臨江市以副使張敏往惠疑而執敏殺數百人

甲午巡撫延綏右僉都御史金獻民回院

九

乙未成都衛軍餘范藻等乘兵緝作亂

丁酉大理寺右少卿吳世忠四川按察副使馬吳並為右僉

都御史世忠巡撫延綏吳巡撫四川

四 庚子慶王台浚請復護衛不許

癸卯鎮筮五寨等盜平

乙巳文登萊陽地震有聲

癸丑江西盜王浩率眾萬人屯開化分掠婺源休寧

乙卯雲南安南長官司土舍那代謀叛伏誅

丙辰傳制封睦模南陵王原炫崇仁王勛潛靈川王致樞廣

元王寵沐沅陵王

山丹衛天鼓鳴夜隕霜殺穀

戊午四川右布政使趙鑑為右副都御史巡撫甘肅張翼罷

許開納授職濟大工

己未刑部潰囚十七人主事王世文紀存義下獄尋獲之

庚申始御經筵

辛酉翰林脩撰何塘謫開州同知塘進講蹇滋中止 上怒

欲撻之閣臣救免

足速右衛指揮使郭錦為都督僉事

七

壬戌酉刻金星晝見明日如故

癸亥前翰林編脩邵銳謫寧國推官

甲子錦衣都指揮朱謙為都督僉事冒軍功

乙丑廖惠兵敗斬之惠陞水人與營山藍廷瑞同亂至是伏

丁卯宥伏羗伯毛銳

五廟午監察御史賀泰言義子賜姓之失謫處州推官

刺語多悖命善備之

辛未禱雨於天地社稷山川

五千騎入一股泉三千騎入靖一墩六千騎入鎮一墩五
百騎入沙河三萬騎入碌砣河三千騎入城胡墩萬騎入靜
溝三千騎入懷遠墩越七日偵大同兵至而遁殺掠三千餘
人劫畜產數萬
懷來衛地震

癸酉駙馬都尉樊凱卒凱安陽人尚廣德長公主能守禮解
詞翰河間諸郡貧民越兩子即私闈禮部歲納數千人猶謹
其後不凱曰此比患息也論團營曰軍士半私役矣否則受錢
代人役或負撫以生速弱弓敗矢取其臨時食項罷一且
有緩急非但不可藉他出給兵符為信且守且練有事命將
將兵各立保伍毋得他出給兵符為信且守且練有事命將

往統之斯強
幹而弱校
顧清服闋補翰林侍讀學士

乙亥東平東阿各地震有聲

戊寅霸州登州地震有聲

已卯五萬騎寇大同自白羊口入掠平井坪乾河圍總
兵葉椿潘浩於黃土嶺高山城俄解去趨朔州犯馬邑命成
寧侯仇鉞總兵以京營六千人赴之尋拜征一將軍節制宣
大山西侍郎叢蘭巡視兼督軍餉

壬午前兵備僉事李晟上兵書五種法象變通軍禮要括春

秋安攘論重定事要附錄兵圖下兵部

八山西邊將神周等屢敗遂大掠

丁亥發京兵九千分守倒馬紫荆居庸龍泉黃花鎮古北口
戊子祭王府災

己丑歸建昌稅課司於益王

癸巳開化盜為參將李隆僉事儲珊都指揮汪洪嘉興同知
伍文定屢敗復歸江西德興求撫

甲午千騎次渾源二萬騎復入大同

德慶州日中雨石大如卵色赤而黑人皆拾之

七

六朔戎朔河決黃陵岡界大名山東河南之間命治河右副都

御史劉愷兼理河道愷起大隄自魏家灣至雙堠集亘八十
餘里

己亥故監察御史任賢贈太僕寺少卿賢憂居從同知郁采
守裕州城陷罵賊死

庚子召巡撫延綏右副都御史舒崑山還故事撫臣劾免不
入朝崑山覲內臺不得補乃引去

旌陽曲王府鎮國將軍鍾鏞孝行
逮江西按察使王秩以輕撫柘源盜

壬寅宥貴州宣慰使宋然死然部苗平西阿雜等以程蕃宣
慰使安貴榮誘亂得罪阿雜等之叛由宋然激之然既罷職
復使其子姓承襲恐苗民不安宜將貴竹平代等長官司并
洪邊十馬頭金筑安撫二司設為府洪邊貴竹各設縣皆以
深官撫理然姪儲及長官乘齊以授軍職兵部下鎮巡等議
之林尋遷去郭子章曰沈公之慮遠矣而惜陳公天祥之
覆議見未及沈也郭子章曰沈公之慮遠矣而惜陳公天祥之
之言不幾於左券乎俾盡如沈言貴陽其中平矣

癸卯禁有司科歛

丙午給事中潘瑄劾甯果江彬妄殺平民之罪不問

丁未提調天津兵備右僉都御史陳天祥改巡撫貴州兼理
軍務

甲子前南京光祿寺卿楊俊卒俊進賢人成化丙戌進士今
丹徒拜御史歷政精敏弘治末乞休居鄰縣署十年足不入

邑門親終廬墓

乙丑夜分有星大如月光燭地食頃而滅上海縣志

丙寅戶部左侍郎王瓊為尚書吏部左侍郎劉春為禮部尚
書

前刑部右侍郎魏富卒龍溪人成化丙戌進士

七 己未署鴻臚寺事禮部右侍郎俞琳服闋改工部右侍郎添

註

旱災免順天永平保定河間夏稅

丙子吏戶部右侍郎蔣冕楊潭並為左侍郎兵部右侍郎王璟改吏部右侍郎

丁丑南京吏部右侍郎儲瓘卒瓘字靜夫秦州人成化甲辰進士授南京吏部主事歷令官貌不勝衣嗜學不倦日課一詩清修博雅文行並著嘉靖癸未謚文懿

庚辰祠太公望於咸陽歲仲春祭

辛巳前南京右都御史金澤卒澤江寧人成化丙戌進士歷官無大樹立然勤勵不怠其四川叅議叅政廣東左右布政

並值饑盜無失事

四川總制都御史彭澤以盜孽喻思倖王其二百餘人奔入通巴山容盡滅也部議增保寧開達等守備從之

癸未右副都御史李貢為兵部右侍郎

廣西妖人李通寶等作亂官軍擊斬五千餘人事平

甲申有赤丸二自空隕浙江龍泉縣治如鷲郊深入民家踞躍如闢良久始滅四日隕火毬二延蕪四千餘家

乙酉終養御史陳茂烈辭月粟有旨復諭不允

丁亥夜金星犯酒旗下星

戊子兵部左侍郎石玠清理軍職貼黃

蜀盜平右都御史彭澤乞休不允蜀中多山險入刺矛激
弩萬夫萬能當也地多草樹窳回師弗習往中其伏平野
又多稻塍騎步不得逞氣早濕餉餉不飽士馬物故過半
已丑四川左布政使王倬為右副都御史整飭薊州等處邊
備兼巡撫順天

翰林編脩溫仁和為侍讀

庚寅賜真定唐顏真卿景鄉廟曰二忠歲仲春祭

壬辰滁陽王墓奉祀郭琥除名滁陽王無後國初蜀王主祀

其後屬滁州衛官弘治間定遠郭琥自言王後賜冠帶奉祀
至是乞署印部議奪其職仍冠帶

四川總兵都督僉事陳珣陝西副總兵都指揮監海以追論
失事並免故利州判官曾璉贈上林苑左監丞研縣主簿張
岐贈知縣並禦盜死仍瘞子入監

癸巳南京刑部右侍郎魏紳卒

宜春人成化乙未進士歷官
無廢職寬厚簡樸有長者風

丙申朔廣西宣化縣地震

丁酉都督同知張洪自陳山東河南功進右都督

戊戌成寧侯仇鈇報寇萬全衛沙河擊斬三級獲馬十匹

失陣沒將吏二十餘人馬百四十餘匹命勞錢羊酒錢最稱
智勇所失亡十倍所獲竟蒙賞何也

涼州都指揮僉事徐謙為署都督僉事總兵鎮守四川時兵
部推及張洪有旨洪及江彬許泰白玉溫恭已留京不更用
責兵部對狀何鑑等引咎俸奪兩月蓋洪等俱領邊兵侍豹
房

己亥中書舍人袁贊予告給驛以供奉官特許乘傳僭矣

庶子初慶陽伯夏儒乞清河田三千三百餘頃許之縣民葛
氏等言田皆己業命司禮少監張淮戶部侍郎王瓊往勘仍

七七

賜儒葛氏等懇如前下巡按御史錢如京如京言清河正糧
止千餘石歲畹莊銀過萬金民力何堪乞以先年德府退地
七百餘頃賜儒令有司徵解不聽

江西盜走玉山總制右副都御史俞諫等集湖廣江西浙江
兵擊破之擒渠帥劉昌等餘千餘人復走柘源

壬寅故瑞金知縣宣城萬琛禦寇死贈光祿寺少卿予祭葬
廕子入監

甲辰雷州大星如月涿西北聲如雷

丁未夜月犯羅堰上星

戊申曉刻金星祀軒轅右角星
已酉四川會川衛地震聲如雷

庚戌金星晝見乙卯滅

提督江西軍務總兵署都督僉事李鑑卒鑑西征涿盜皆殲
力贈右都督蔭子端都指揮僉事

壬子行人傳楫使德府治濟寧王之墓期稍遠聞母疾乞暫
省特許之

甲寅前南京太僕寺卿張賁卒 賁成都人成化丙戌進士

丙辰國子祭酒石瑄為南京吏部右侍郎

丁巳夜月犯司怪星

庚申南京兵部右侍郎呂獻大理寺卿茹欽俱劾免

辛酉左副都御史鄧璋為刑部右侍郎

壬戌梁永福嗣保定侯梁任子

九月朔南京右副都御史楊茂元為南京兵部右侍郎

丁卯福建左布政使陳珂為右副都御史巡撫河南

辛未南京國子祭酒王璿改北應天府尹歐陽旦為南京右

副都御史

癸酉洛南縣火

甲戌江西兵破柘源洞擒渠帥胡浩等俘斬四百餘人
丁丑刑部主事陳良翰婦程氏殺婢他日又欲殺婢走訴
東廠下錦衣獄論死良翰戍邊

壬午翰林侍講學士吳一鵬為南京國子祭酒
癸未旱災免大同夏稅十之五開封

各有差

山西行都司都指揮同知潘浩為征西將軍署都督僉事總
兵鎮守寧夏

逮四川總兵陳珣陝西副總兵藍海初追盜喻思俸於富村
偽降北走陽平渡江襲殺都指揮姚震百戶周增於沙壩趨

東西鄉入巴山尋出大安鎮敗陝西兵趙寧羌犯略陽而敗
珣不力追我軍數失利

甲申寧夏地震

遼府長垣王恩鉀薨謚恭順

乙酉巡撫江西右僉都御史王哲卒

吳江人弘治庚戌進士授御史有風裁

丁亥魯府鄒平王陽鎭子當涼當濕爭爵命歸當濕而當涼
猶爭之罪其導人包慶等戍邊

辛卯傳賜蔚州衛都指揮僉事江彬國姓時前衛右所正千
戶楊瑄大同右衛指揮使焦睿前所試百戶焦椿舍人焦桂

連東前屯衛百戶張天祐舍人張廷鸞俱賜姓更瑄名曰璋
椿曰棕桂曰松天祐曰海廷鸞曰璧俱改錦衣衛

壬辰入薊州大青山

十丙申入寧夏宿寇口總兵官署都督僉事魏鎮禦於陶榮

中旨御馬監太監宋輔分守建昌

丁酉勅葬大慈恩寺灌頂大國師也舍寫著為例

戊戌平陽太原汾沁等大雨雹平地水丈餘傷人畜廬舍

己亥柘源餘盜復劫掠萬年縣新民應之殺兵備副使靈寶

李情及浙江督捕指揮邢世臣饒州通判陳遠秦碧照廐馬

驄千戶許政縣丞馬環主簿冬禎典史孔卓情弘治癸丑進士明年贈按察

使廕子
入監

庚子翰林院庶吉士許成名劉棟張璧劉朴費霖張潮王思

孫承恩劉泉林文俊孫紹祖為編修金臯吳惠郭維藩陳寰

張衍慶邊惠為檢討黃臣祝續田荆劉夔張紳俞敦為給事

中張鰲山為監察御史

寧夏地震

壬寅饒州及永豐浮梁俱火

癸卯翰林檢討汪偉為南京國子司業

甲辰浦城火

乙巳，掠連京開原既出，太監王秩叅將高欽追之，被圍數日，死亡甚衆。

丁未，江西東鄉縣新民復叛，右副都御史俞諫討平之。

癸丑，晉府新化王表榘薨，謚恭裕。

乙卯，遂安伯陳鏊總兵鎮守薊州。

增甘肅兵餉。

丙辰，宜興大長公主乞預卜墓，不許。

丁巳，故監察御史蔣欽贈光祿寺少卿，府丞周璽，都給事中

許天錫，給事中周鑰，都叅御史馮顯，冷禎，僉事蘇泰，運使連

盛，署員外郎刑部主事何欽，順天推官周臣，各復官，賜祭。

己未，前制勅房供奉光祿寺卿周文通卒，文通善楷書，守官勤慎，其卒以執喪過哀，論者賢之。

庚申，臨江府火。

辛酉，署都督同知許泰為右都督。

甲子，增貴州銅仁府守備。

十一月乙丑朔，入朔州禦郤之。

大理寺卿燕忠使江西，初提學副使李夢陽謁總制陳金約。

曰公奉勅治兵予治諸生無涉也令諸生候巡按御史長揖
母跪故事監司五日一會揖母往御史所遂忤御史江萬實
又忤布政使鄭岳叅政吳廷舉而寧王宸濠故重夢陽因為
夢陽執岳更有報岳子泓與通賄事聞捕泓於是廷舉及知
府劉喬爀陳金劾夢陽遂命燕忠出治下夢陽廣信獄

談遷曰李夢陽才傾一代未免過於自負廣信之獄失之
凌兢然持師儒之體絕脂韋之風要未可盡疵之也世以
鄭岳敗官夢陽借逆濠中之夫夢陽而愚人也則可夢陽
而少知自愛彼惡已彰即未匿自避肯藉其鉗網以陷人

予哉逆濠自陷岳翹其名於夢陽曰我為天下惜才奸人
之雄往如此予讀實錄竊為夢陽扼腕云

己巳兵部尚書何鑑罷初白玉賂豹房諸近侍求復官鑑不
從目設竄誘其蒼頭通賄發之致引罪去息例梳不及焉
提督騰黃右通政楊琥申定武臣誥命首軍功次恩今次例
陞兼有軍功者專納銀加秩者皆不許

辛未錦衣衛都指揮僉事周賢卒賢駙馬都尉景之子成化
丙午順天貢士景堯授千戶不矜貴勢安靜自守
給大慶法王領占班丹度牒三千聽自收度

癸酉馬湖府地震

丁丑右都御史李士實致仕

辛巳右都御史陸完為兵部尚書

大同萬全都司各地震

癸未災傷免寧波衢州田租十八萬石有奇

乙酉貴池縣地震

丙戌巡撫保定右僉都御史林廷玉罷

己丑命陸完同太監谷大用英國公張懋等提督團營

撫治鄖陽右副都御史張淳改巡撫保定兼提督紫荆關

癸巳右春坊右諭德兼翰林侍講倫文叙卒文叙南海人弘

治己未進士第一授脩撰使安南以喪止服除進令官少嗜

學有公輔望人咸惜之子以諒以訓俱進士

甲午服闋右副都御史王憲改提督撫治鄖陽

前右副都御史劉杲卒長洲人成化己未進士

十二丁酉總制陝西軍務右都御史張泰卒泰肅寧人成化戊

戌進士居官能守職然無所樹立隨時俛仰贈太子少保刑部尚書

趙時春平涼府志云泰本平涼縣平氏子以饑鬻前平涼

教官子貢士其為子時方六七歲數年令讀其書弱冠登第知所出歷陝西按察使購平氏以饑盡至是總制不携家獨居偶疾暴卒

火輪見越雋衛聲如雷明日地震

戊戌成都重慶潼川邛州俱地震

己亥環球國中王尚真入貢

崇德縣甘露降

召巡撫江西都御史任漢還朝俞諫專任討盜

整飭薊州邊備兼巡撫順天右副都御史李貢致仕

兵部右侍郎石玠為右都御史

唐子定各衛所馬五年擇賣

辛丑吏部尚書楊一清等以巡按雲南監察御史張璞巡按陝西監察御史劉天和為鎮閣梁裕廩堂所奏逮獄久未決風紀掃地乞早具罪狀從之

高州地震

癸卯交城縣地震

甲辰福建按察使劉遜致仕

南京刑部尚書劉纓被劾罷

前工部右侍郎胡諒卒

靈賢人成化戊戌進士素貧墨連姻太監李棠

南京刑部右侍郎鄧璋兼左僉都御史賑濟江西

丙午福州地震

己酉遣勳臣禱雪

庚戌南京工部尚書孫需改南京刑部尚書

辛亥翰林院庶吉士徐之鸞為刑科給事中

追贈誠意伯劉基太師謚文成誥曰學為帝師才稱王佐孔明之任豈間人言敬興之謀不負所學受爵能讓懷辭金蹈海之風成功不居從辟穀封畱之請基九世孫處州衛指揮

使瑜請祠謚從之祠曰翊運曰謚翰林學士承旨宋濂文憲國子祭酒宋訥文恪

癸丑水災免平涼夏稅麥荳萬六千三百石有奇

甲寅總督兩廣兼巡撫右都御史林廷選為南京工部尚書

丁巳前府左都督谷大中卒大中以太監大用弟冒功躡陞

戊午提督倉場戶部右侍郎侯觀回部

吏部尚書楊一清議大臣當廢者查例竟給不必乞恩從之

其廢監後登科仍許補廢

壬戌增大名通判

是年都御史趙璜奏革種馬尚書何鑑執奏止之

甲戌正德九年

正月丑朔刑部左侍郎黃珂改兵部尚書南京刑部右侍郎鄧璋為兵部右侍郎右副都御史周南為右都御史總督兩廣軍務兼巡撫

丙寅命兩京大臣科道及外撫按各舉將才

丁卯南京監察御史羅鳳等劾寧王近來搭克淫酷諸不法

事不報

戊辰大星涿南直通州光如晝隨天鼓鳴

壬申工部右侍郎張過改戶部提督倉場戶部右侍郎王寅改刑部刑部右侍郎張綸為左侍郎右副都御史藍章為南京刑部右侍郎

復改叅雲分守太監呂安為鎮守叅雲古北口

永樂間設鎮守正統已巳

改分守劉瑾復改鎮守

癸酉洵陽縣火

夜月犯畢宿

甲戌四川左布政使蔣昇為右副都御史巡撫南贛汀漳
乙亥詔有司存恤致仕廉吏

丁丑 上南郊

全州霾晦大風雨

戊寅 上御奉天殿大宴群臣夷使至暮駕始臨席各舉燭
廣西思恩土官岑濬餘黨覃思等作亂

己卯夜月犯靈臺中星

庚辰大計降斥二千八百八十六人

乾清宮火寧王宸濠獻燈命獻者入懸皆附柱壁燦甚所貯

火藥偶弗戒延奠宮殿 上往豹房回顧光焰燭天大樂之

壬午諭脩省

故漢中通判羅賢贈知府廕子入監

癸未大學士楊廷和梁儲費宏乞休不允其言還邊兵革禁

中市肆出西僧皆不欲釐正惟皇店嚴禁下人工作織造命

酌緩急以聞然亦勉即一二事塞責自閣臣外多不報

甲申翰林修撰呂柟言六事聽朝政還宮寢親郊社朝兩宮

遣義子番僧邊軍罷各鎮守官貪婪不報

乙酉月掩罰星

丙戌起陳壽右副都御史巡撫陝西
丁亥戶部主事馮馴戶科給事中雷震翰林編修王思各言
事不報

戊子監察御史劉天和謫金壇縣丞王廷相贛榆縣丞太監
廖堂鎮陝西贖橫屢裁之被訐下鎮撫獄法司論贖中肯降
之蓋堂厚結同輩得其助也

岷府安昌王彥潞薨謚榮和

卒郊戶部右侍郎張遇致仕

壬辰旌觀官卓異江西湖廣左布政使陳恪黃瓚山東江西

山西右布政使方良永張崱鳳雲南按察使李克嗣浙江
福建副使徐蕃湯沐延鎮浙江左叅議羅欽德河南僉事劉
玉知府南昌李承勛揚州孫祿處州劉斐金華劉蒞台州李
光翰

是月致仕工部虞衡司員外郎祝萃起陝西提舉副使
二月未朔南京監察御史等汪正請擇宗室親賢入京置左右
俟皇子生遣歸國不報

己亥增戶部主事馮馴王一麟區畫宣大邊堡
江西盜王浩等械入京伏誅

庚子 上夜微行至教坊司觀

大學士梁儲翰林學士毛澄主禮闈

太師英國公張懋辭團營

辛丑兵部右侍郎鄧璋為右都御史總制陝西延綏寧夏甘

肅軍務改江西賑濟屬大理寺卿燕忠時犯邊侵諸番

巡撫山西右副都御史鄭宗仁為戶部右侍郎提督倉場

乙巳作楚蜀晉肅寧遠伊秦魯韓鄭襄荆德崇吉徽諸王信

符鍍金銅牌十一鑄征平胡平狄諸將軍銀印以乾清火

燬故也

丙午署詹事府事禮部尚書兼翰林學士靳貴兼文淵閣大
學士直閣

刑科給事中徐之鸞以大臣數遷請久任下吏部

丁未右副都御史陳玉為兵部右侍郎順天府丞王翊為右

僉都御史提督雁門等關兼巡撫山西

夜單縣涿星大如斗隨天鼓鳴

戊申永平民大饑命賑之運通州粟十萬石減其值

夜月犯左執法

庚戌吏部左侍郎蔣冕兼翰林學士專誥勅

新寧伯譚祐提督團營并五軍營

癸丑四川盜喻思倖等平彭澤請班師內江盜駱松祥等復作又平之

林之威曰正德中涿賊特群盜鼠竊之雄當時攻劫州縣所在糜爛一時求許樂陵其人擒斬賊首者固不可多得然朝廷命將出師初以惠安繼則伏羌先後提京兵數萬嬰城固守立破城抵死之例而禁之嚴嗟夫守土之臣城存與存城亡與亡其又何說之龍然而所以禁奸戢亂者不在此也民窮思亂不拊循是圖而必曰捕之誅之若以

湯止沸、乃不止故當年所在盜起河北中原蜀中江西諸賊揭竿斬木曾不督捕能盡耶

甲寅左僉都御史金獻民為右副都御史

乙卯追奪方山昭僖王鍾鈺謚初有罪革爵匿其實得請

寧夏地震有聲

丁巳甘肅莊浪衛天鼓鳴

廣東長樂縣大風雨雹屋瓦皆飛

己未吏部右侍郎王璟為左侍郎翰林學士毛澄為吏部右侍郎

設漢中守備都指揮駐金州

癸亥禮闈增額霍韜等四百人

右春坊右贊善兼翰林編修陳霽為南京翰林侍講學士

三甲子朔故夏邑縣丞安宣贈開封通判詹子入監宣蒞任七日盜至力不支死

臨川盜陳玖等敗斬之

丙寅英廟莊妃趙氏薨謚恭靖

右副都御史蕭紳巡撫貴州兼督理軍務

戶部員外郎黃體行削籍體行以宮災乞遣番僧義子邊軍

罷皇店內市且曰陛下於群臣之言或報而不行或留而

不報豈不以群臣皆外人也人情莫親於母子莫密於夫婦

試即群臣所奏退詢仁壽坤寧兩宮萬一可取則宜行之

上怒其妄引兩宮令對狀吏部擬請興寧訓導特除名體

行察典不謹託直言後起知府賍敗

甲戌嘉祥曾子廟成撰御製碑文

丙子江西兵備副使胡世寧上言江西之盜撫剿二說相持不安臣謂舊撫者不討再叛者不撫新起者必撲之於微即此三言而事定矣又江西之禍不止盜賊寧府數年以來威

勢日盛不逞之徒導以非法上下官司承奉太過敬假火災
奪民廬地買辦漸行於外郡騷擾徧及於窮鄉臣恐良民不
安皆起為盜臣下畏禍多懷二心禮樂政命漸不出自朝廷
矣請見在都御史俞諫任漢中專委一員或選才望公忠大
臣兼提督巡撫之責使統將帥調兵食興革利弊皆便宜從
事更勅諭寧王崇謙遠嫌率祖訓嚴戢下人庶無意外之
虞兵部尚書陸完覆如之得旨令寧王約束宗室

談遷曰胡端敏歷前群盜不遺餘力其規切宸濠誠哉茂
陵之先見矣然不幸其言之中耳設宸濠甘守簞服黃屋

左轟侈心不萌則後之人且以端敏為苛論也又所請都

御史俞諫任漢夏國之苦心不嫌起姐陸完最與宸濠善
乃亦由全端敏國家亦賴有若而人哉夫如是奚其喪

戊寅廷策貢士賜唐臯黃初蔡昂等進士及第出身有差

叙州地震

己卯宜興大長公主薨母德妃魏氏

少師大學士楊廷和以父春年七十九求歸省不允令有司

賜春羊酒

壬午魯府樂陵王陽館薨謚宣懿

癸未叙州地震

己丑巡撫江西右副都御史任漢被劾引疾去

庚寅太子少保南京兵部尚書劉機致仕

前光祿寺卿李良卒齊河人出按廬鳳淮揚賑饑民甚德之進士金山陰拜御史獨女許

劉健孫改婚士論所鄙

壬辰柘源盜梅憲等復叛官軍擊斬三百五十人以平之

移密雲兵備副使於永平

癸巳成都地震

回甲午朔叙州地震

丙申復徽王彰德莊田二百二十頃有奇

丁酉復寧王原革護衛及屯田天順間革護衛改南昌左衛

正德二年賄劉瑾復之瑾誅旋革至是宸濠跡請兵部尚書

陸完乞下廷議濠徧賄當路完語大學士費宏宏曰不知革

者謂何完厲聲曰恐不能不與之耳宏曰如此宏不敢與聞

內臣盧銘為請宏曰我寧王鄉人也但事理非所宜耳完覆

奏借 太祖為言錢寧又為與主深忌宏

談遷曰逆濠狂悖其始天下同舌而賢之則謬為恭謹結

納當路俱受其餌而不覺也陸完雖非端人然才智出一

時工傾附逆濠力為其地豈非簞簞之故哉左手據天下之圖右手自刎其喉愚者不為假逆濠必叛陸完必右之明以九族殉此無用之金帛至愚不為也嗚呼人為福心所使則川岳迷向烏鵲改視其陸完之謂乎

南京吏部尚書張潔改南京兵部尚書

戊戌潘府沁源王銓鍾堯王請書好文謚榮靖

己亥賑遼東饑

復昌平縣為州領密雲順義懷柔正德初南京吏部尚書林瀚言進州尋劉瑾廢之至是縣丞張懷奏陵寢供億之苦遂

進州以縣協濟

癸卯進彭澤太子太保左都御史時源左都督馬昊右副都御史澤請入朝初澤西征入問楊廷和曰以君才賦何憂不平所戒旅師早耳澤方破盜奏班師餘黨復起既發復留歎楊公先見吾不及也昊驍健善騎射自僉憲屢破劇盜皆身為鋒

乙巳翰林侍讀學士顧清左中允兼修撰賈詠主武闈

四川榮縣徐良父被人殺良赴救亦殺彼一人良論死命減罪一等戍邊

丙午夜月犯亢宿

辛亥南京右都御史戈瑄為南京刑部尚書改南京刑部尚書孫需為南京吏部尚書

乙卯兵部左侍郎黃珂為南京右都御史

丁巳右副都御史王鎮上言四事正本擇留親王省內臣

處驛遞廣延納不報

辛酉巡撫寧夏右僉都御史馮清為戶部右侍郎仍兼左僉

都御史督理陝西糧餉兵部右侍郎陳玉為左侍郎通政使

丁鳳為兵部右侍郎馮清以西安延安慶陽等芻粟改徵金餉邊故餉日耗有米珠薪桂之謠

九

五月丑太子太保戶部尚書兼武英殿大學士費宏致仕宏既

忤權倖御史余珊望指劾其從弟編修采遂引去恩禮俱減

僅乘傳

南京太僕寺卿羅欽忠為通政使起邊憲右副都御史巡撫

寧夏

開磁武安考城大雨雹損麥禾傷人畜

癸酉工科給事中賴鳳請教官參用進士部議聽進士就教

報可

江西左布政使鄭岳吉安知府劉喬俱勘贓削籍提學副使

李夢陽免官參政吳廷舉奪歲俸夢陽有才名剛愎好訐又藉宸濠快其忿士論不與

乙亥夜月犯東咸上星

丙子巡撫雲南右副都御史洪遠請停鎮守太監貢獻方物不從

己卯濱州天鼓鳴隕石

丁亥傳制封厚耀崇王厚熹趙世子旭陽通渭王當澆東阿

王當澆鄒平王厚熹富順王思鈞長陽王

己丑土魯番連壇滿速見使部長者他只丁復據哈密命右都

九六

御史彭澤總制軍務量調延綏寧夏固原兵駐甘肅經略有時

總制鄒璋澤辭兩帥莫任適也不聽

庚寅前南京大理寺卿於欽率溧水人成化戊戌進士

六月己中肯守備朔州御馬監太監滿隆改分守獨石馬營

南京大理寺卿于鳳喈卒萊陽人成化辛丑進士勤敏有治

英雄地連震

乙未江西大池盜張元等據樂安新淦山中偽稱王至是討

平之擒斬千七百餘人

丙申貴州程番盜程先等攻劫署都指揮使張泰等平之

丁酉禁廣東番舶非期而至者卻之

甲辰甘肅總兵署都督僉事金輔罷四川副總兵署都督僉

事徐謙為平羌將軍總兵官鎮守甘肅

鳳陽天鳴地震有聲

丙午巡按陝西監察御史成文削籍文劾僉事趙應龍縱子

納賄下應龍鎮撫司遂訐文收廩耳狎夷婦併繫獄應龍亦

削籍

丁未右府署都督吳玉卒

夜月犯羅堰上星

九七

戊申入宣府西海子剽掠

壬子翰林編脩汪俊為侍讀

甲寅四川疊溪千戶所地震威州亦如之

乙卯進士張源范洵王俊民能決黃訓余璣周文熙陳經田

賦梁本茂翟璿行人黃重俱為給事中

雲南瀾滄衛軍周達奏銀礦銅錫青綠皆可採辦遂令鎮守

太監梁裕等兼理之

丙辰工部署員外郎事主事韓邦靖請召還黃體行等以收

人心下鎮撫司削籍

程啟充馬祿張仲賢呂秉彝周文光蕭鳴鳳王經周鶴趙永亨朱震盧楫沈灼俱為試監察御史

戊午蕭山訓導何重請禁浙東溺女從之

己未前禮部尚書署太常寺事崔志端卒死年八神樂觀道士予祭一

七月戊朔山西偏頭守禦千戶所地震

甲子晉府臨泉王奇渾薨謚榮穆

乙丑薄宣大欲寇天城陽和又分萬騎入懷安次順聖川

游擊張勛守備田琦廉彪敗死命太監張永總制提督宣大

延綏等軍務都督白玉為平大將軍總兵發京兵二萬人

九

署都督僉事昌佐署都指揮姜義為左右叅將又發兵六千

太監張忠監督都督溫恭為副總兵千總官湛臣宋濬為左

右叅將俱受永節制忠奏臣與溫恭所領三千人俱邊兵隨

便擊若受節制有碍上心許之閣議不可已溫恭亦佩

副將印閣臣又阻之內臣謂內府見貯副總兵印何也楊廷

和曰故事多佩副將軍印佩大將軍印不數人近惟撫寧侯

朱永蓋大臣一時失檢耳今白玉已佩大將軍印既失之溫

恭又可佩副印乎遂給忠符幟

前右僉都御史張楨叔卒巴縣人成化己丑進士

壬申撫寧侯朱麒守紫荆關寧晉伯劉岳守古北口崇信伯
費柱守居庸關保定侯梁永福守倒馬關指揮使西寬守黃
花鎮指揮同知福英守龍泉關
高陵縣地再震有聲

甲戌潘府稷山王詮塗薨謚榮和

巡撫雲南右副都御史洪遠改南京大理寺卿

丙子旱災免順天河間保定田租

戶部右侍郎侯觀兼左僉都御史總督宣大軍餉

戎備開淮鹽於宣大各十五萬石

己卯浙江左布政使王懋中為右副都御史巡撫雲南

進兵部尚書陸完太子太保提督軍務俞諫右都御史江西功

壬午巡按湖廣監察御史王相以致仕兵部尚書劉大夏年

八十請優禮不允蓋大夏本兵時裁抑中貴故見沮

甲申丁巳近邊窺居庸增游擊將軍備紫荆等關

乙酉前巡撫蘓松右副都御史艾璞卒璞字德潤南昌人成

化辛丑進士授兵部主事善事當路大學士徐溥本兵余子

俊馬文升歷薦之晚忤逆瑾幾死

丙戌調延綏總兵王勛駐清水營援大同西路遠東游擊將

軍林睿駐山海關永平各三千人
南昌知府李承勛為浙江按察使
庚寅復慶王台泥歲祿

辛卯朔日食

壬辰晉府河東王奇淮薨謚榮安

癸巳寧王宸濠奏臣約束宗室痛革前弊 上大喜之

丙申南京右府都督僉事李昂總兵鎮守貴州

前南京吏部尚書黃珣卒珣餘姪人成化辛丑進士及第授
編脩平易厚重不存珍陸文亦如之贈太子少保謚文僖

丁酉召巡視浙江右都御史陶瑛還京

貴州平頭苗合湖廣五寨苗作亂肆掠命巡撫貴州右副都

御史蕭紳兼制湖北酉陽平茶邑梅各調土兵討之

巡按貴州監察御史鄭約撫平浪苗猛朔

災傷免平陽田租

戊戌翰林院庶吉士許復禮授兵科給事中

辛丑免真定順德廣平大名田租之半

入白羊口及浮圖峪連營數十里勅保定副總兵游擊劉
賢馳禦之

乙巳京師地震陝西渭源亦如之

申九門盤詰之禁

增兵部職方車駕郎中各一

木星晝見甲寅戒

丁未前巡撫宣府右僉都御史車寔卒石州人成化辛丑進士性剛介

戊申岷府沙陽王膺銳薨謚端靜

辛亥夜月犯畢宿

癸丑養疾戶部右侍郎鄧厚改右副都御史巡撫蘓松常鎮陝西饑命總制右都御史鄧璋督餉侍郎馮清兼理賑濟右

副都御史王憲駐漢中撫流民陳壽仍巡撫

甲寅太監劉寧劉允徵通薊河間莊租白帖下兵部即給驛

中官廝養出皆然

東平人吏部主事梁穀妄告變詞連魯府歸善王當洹命諸

將會兵遣司禮太監溫祥大理少卿王純錦衣衛指揮韓端

執當洹總兵官卻永駐河間桂勇等繼之訊之無反狀蓋當

洹愛袁質射善趙岩以引禮令人嘗飲當所洹非謀逆也穀

少兒矣交通若少年貴而厭苦之又怨千戶高乾等西鳳竹

遂族其告變溫祥械質等至京罷卻永等兵巡按御史李翰

臣辨其誣南吏部尚書楊一清信教言主之以匿奸下錦衣
獄同教置對謫廣德判官教免贖還職

湖廣總兵方壽祥疾罷都督同知楊英鎮守湖廣

茂州地震

丙辰木星犯六諸王東星

戊午災傷免應天田租有差

己未都督同知侯勛總兵官鎮守陝西勛重賂權幸得之

丁酉武關掠忻州定襄寧化教守備指揮陳經

災傷免西安田租有差

九月戊戌旌魯府鎮國將軍當灞孝行

丁酉五萬騎餘自宣府入踰懷安趨蔚州又三萬餘騎入平

城南都御史叢蘭總兵白玉等追之潛置飯田間毒之如農

具伏火器於陽和天城懷安諸險阨掠食田間中毒及伏

發多死斬五十級

癸亥旱災免廬鳳淮揚夏稅有差

始設花糧帳房百六十二間初令陝西製之重門堂廡庖廐

溷瀉皆具自後郊祀游幸宿馬

丁卯安南黎暹入貢使臣阮文禮等道沒命以喪還初黎顯

生二子暉瑠一名鑛偽封錦江王暉生敬誼瑠生灝調誼被
害調立而灝之子沱陽王諶及弟慮以兄子不得立灝妻鄭
綏女諶妻鄭惟鏞女鄭宗強且握兵柄立調非其意也
刑部右侍郎王寅疾去

庚午翰林編脩王思諱廣東三河驛丞 上好武日戎飾習
陣射手搏虎被傷閱月不朝思言 孝宗之子惟 陛下
耳當為天下萬世自重宜親享太廟孝養 兩宮總攬乾綱
緝熙聖學豈可嗜酒以荒志好勇以輕身惟是任怒喜移威
柄弛紀綱推士氣召天變哉

甲戌南京兵部右侍郎楊茂元為刑部左侍郎

庚辰巡撫陝西右副都御史陳壽為南京兵部右侍郎

丁亥督餉陝西戶部右侍郎馮清巡撫陝西

總督漕運右都御史張縉以南京戶部尚書致仕

戊子諭錄囚

雲南十一寨叛賊平夷降衆欲掩之巡撫洪遠以殺降非信
十一寨夷自是不復叛矣

國子司業魯鐸展墓

十庚寅朔夜松潘衛大星自東流西聲如雷

壬辰巡視浙江右都御史陶琰總督漕運兼巡撫鳳陽

叙州大同太原地震偏頭關守禦千戶所大雨雹
癸巳翰林編脩董祀為侍讀

甲午刑部主事李中疏諫護國佛寺駐番僧言我 憲宗為
妖僧繼曉所處旋斥之至 孝宗初誅僂望 陛下遠監漢
中主之失近法我 憲宗 孝宗之明出番僧以謹華夷大
防建儲位以立天下之本華義子以正天下之名不報弄譎

廣東通衢驛丞

己亥故靈壁主簿蔣賢贈知縣賢死楊虎之難
庶子脩文廟禮樂祭器

壬寅工部左侍郎夏昂卒 吳人成化甲辰進士

戊申工部右侍郎俞琳為左侍郎易州山廠右侍郎劉永回

部

己酉脩乾清坤寧宮尚書李鏊提督營建湖廣巡撫右副都
御史劉丙為工部右侍郎兼右僉都御史總督四川湖廣貴
州採木已勅御馬太監谷大用司禮太監張雄總理內官太
監張鏐及都督同知朱寧提督

辛亥治大同失事罪逮總兵葉椿都指揮程鉞下獄
壬子湖廣左布政使陳璘為右副都御史巡撫湖廣

提督四夷館太常寺卿廖紀為工部右侍郎管易州山廠
甲寅命各邊巡按監察御史覈殉事之臣加贈廕
乙卯茂州汶川各地震

戊午宣府游擊將軍卻永為征西前將軍總兵官鎮守大同
左都督劉暉總兵鎮守山西兼提督三關

吏科給事中張原上六事汰冗食工匠士勇
士校尉等慎工作禁貢

獻明賞罰廣言路進德學不報尋責其據說謫貴州新添驛
丞

十一月庚申選團營六千人分前後營與勇士四衛營各三千人

命右都督張洪都指揮桂勇賈鑑李隆分領之西官廳操練
中旨御馬監太監趙英分守遼陽印綬監左少監白懷廣寧

監槍

辛酉廢歸善王當汭為庶人徙鳳陽初盜攻兗州當汭嘗率
眾衆登城射卻之蒙勅旌由是喜武善素質等多酒失與長
史馬魁有隙魁曰梁穀告變林魯王奏如之及被執索兵器
即前所借弓弩也竟誣坐質戍肅州西鳳竹安置塞上魁論
死穀罪倍於魁獨免當汭既廢猶未知所坐中官詔曰謁
祖陵耳比至問何地曰高墻也大慟曰冤哉即首觸墻死

談遷曰宗室冤慘多矣未有當返之甚也豕不藏甲目不習識緯賓客不勝詭即多酒失不過醉飽失節乃擬以淮南梁楚之事哉彼梁穀已論已陸完楊一清亦冒然為之其後各中末禍安得謂天之夢也

定歲貢生到部論期

楚雄地震

涿星墜於鞏昌聲如雷
癸亥江西按察副使胡世寧為福建按察使
茂州懷來衛各地震

增山西三關游擊將軍張綺

左春坊左中允兼翰林脩撰賈詠為南京翰林侍言學士

兵部尚書陸完新寧伯譚祐提督營建

災傷免開封田租

丙戌廣西蒼梧盜殺指揮李鎮倪明等

右都督許泰都指揮同知朱彬提督團營西官廳

增巡視山西偏頭等關監察御史

甲申金星晝見壬辰戒

丁亥前刑部右侍郎王寅卒
容城人成化辛丑進士

十二月辛卯左都督時源總兵鎮守山西兼提督三關

乙未故江西兵備副使李情贈按察使予祭藤子入監

辛丑祀唐相廣平郡公宋璟於南和

靖遠伯王憲卒

乙巳沱州衛地震

丙午夜涿星自井宿行至近濁後五小星隨之

己酉盜劫安南貢物於池州

增甘肅西路游擊將軍

辛亥解州臨晉襄陵安邑聞喜夏縣俱地震有聲

壬子夜月犯氐宿

甲寅署太常寺事太子少保禮部尚書田景賢引疾去進太

子太保

乙卯前南京戶部尚書雍泰卒泰字世陰咸寧人成化己丑

進士令吳縣拜御史出守鳳陽南陽歷右副都御史巡撫宣

府杖叅將被劾除名正德初起操江未至擢南部以冢宰許

進諱其除名事俱勒罷清強自立不畏強禦許進嘗曰吾遙

望關西見有二高一為華岳一為雍世陰卒時榻有特磬如

雷天啟初追謚端惠

談遷曰雍正隆獨立不懼衆皆仰之在國史多微詞云性
剛動必近名與物多忤為按察使則杖知府為都御史則
杖叅將論者謂其粗暴任情殊無大臣器度其屢遭患難
亦自撥也其論雖甚嚴孔子曰吾未見剛者安知宣厄而
在不亟收之耶

丙辰安陸州地震

丁巳貴州總兵豐城侯李旻以梧克免

